





脇疽

背疽

囊癰

懸癰

委中毒

臍上疽

背瘡

腎藏風瘡

股陰疽

鶴膝風

臍癰

腰疽

下疳

股陽疽

脛疽

小腹疽

腰火丹

婦人陰瘡

附骨疽

脛陰癰

發背

便毒

醫癰

腿遊風

三里灸

接骨灸

騙馬墜

青蛇便

瓜藤纏

濕毒流注

問氏  
赤疽

下注瘡百八 內踝瘡百八 外踝疽百九 多骨疽百九 非喘灸百九

臙瘡百十 脚發百十 脫疽百二 脚氣瘡百六 甲疽百八

嵌甲百二 脚指縫爛瘡百六 足跗灸百九 足跟疽百九 足心瘡百三

肉刺百四

瘍科證治準繩卷之四

金壇王肯堂輯 門人新安閔承詔校

脇部十 脇肢也助脇骨也有骨曰助無骨曰脇

○脇疽

靈樞云發於脇名曰敗疵敗疵者女子之病也灸之其狀大癰膿其中乃有生肉大如赤小豆治之剉蔞蔞草根各一升以水一斗六升煮之竭為取三升即強飲厚衣坐於金上令汗至足已疵疾蚤切 甲乙經於赤小豆下作治之剉蔞草赤 鬼遺云俠熒疽腫起發肋及兩肩肘頭二十日不穴死九日可刺發赤白相間膿多可



治全無赤白者不治 又云兩肋起疽名為發肋初  
腫盛至十數日不穴攻即腫大如杯椀高如鍬背痛  
徹內腸絞刺左邊患應右邊痛右邊患應左邊痛唯  
有此處多是內毒却入攻而死者多人有斯患急以  
針刺出膿血則免內攻傷內矣 或問脇上生疽何  
如曰是名脇疽屬手厥陰心包絡足厥陰肝火熱毒  
怒氣相併而作活命飲加柴胡紫金丹烏金散選用  
壯實者八陣散一粒金丹下之此證宜速治不然潰  
爛不斂多致危困一人患此如胡桃微痛微腫月餘  
漸大如杯醫作痰治或作肝積或云痞塊竟莫能效

數月遂大如益堅硬如石不甚疼痛微紅漫腫復得  
暴怒胸腹脹滿小水不利脉遲而微投以化氣丸六  
一散小便利胸次寬繼投烏金散奪命丹間服八陣  
散月餘漸消

一人年踰五十腋下患毒瘡口不合右關脉數而渴  
此胃火也用竹葉黃耆湯而止再用補氣藥而愈嘗  
治午後發渴或發熱用地骨皮散効 一人性急味  
厚常服燥熱之藥左脇一點痛輕診弦重芤知其痛  
處有膿與四物加桔梗香附生薑煎十餘貼痛處微  
腫如指大針之少時屈身膿出與四物調理而安

一夫人左脇內作痛牽引胸前此肝氣不和尚未成瘡用小柴胡加青皮枳殼四劑少可加芎歸治之愈  
一人連年病瘡後生子三月病熱右脇下陽明少陽之分生一瘡甫平左脇下相對又一瘡膿血淋漓幾死醫以四物湯敗毒散數倍人參以香附為佐犀角為使大料飲乳母兩月而愈踰三月忽腹脹生赤瘳如霞片取剪刀草汁調原蠶沙傳隨消又半月移脹入囊為腫黃瑩裂開兩丸顯露水出以紫蘇葉盛麩炭末托之旬餘而合此胎毒證也 一婦因忿鬱腋下結一核二十餘年因怒加腫痛完穀不化飲食

少思此腸胃虛也以六君子加砂仁肉桂乾薑肉豆

蔻泄雖止而膿清瘡口不合用十全大補湯月餘而

愈機按前項二條腸瘡一因其性多躁急故用四物湯陰柔之劑以安靜之一因其肝氣不平故用小柴胡疎理之劑以和解之此又因其性情為治不特專于攻毒也

張通北人年踰四十夏月腋下患毒潰後不斂膿出清稀皮寒脉弱

腸鳴切痛大便溏泄食下即嘔此寒變而內陷也宜

大辛溫之劑遂以托裏溫中湯二貼諸證悉退更以

六君子加炮乾薑肉桂數劑再以十全大補湯而愈

固一人脇腫一塊日久不潰按之微痛脉微而瀼此

形證俱虛也經曰形氣不足病氣不足當補不當瀉

宜用人參養榮湯彼不信乃服流氣飲虛證悉至方服前湯月餘少愈但腫尚硬以艾葉炒熱熨患處至十餘日膿成以火針刺之更灸豆豉餅又服十全大補湯百貼而愈 蓋流氣飲通行十二經諸經皆為所損况膽經之血本少又從而損之寧不傷生東垣曰凡一經受病止當求責其一經不可干擾餘經苟泛投剋伐之劑則諸經被戕寧無危乎 一人年五十素飢寒患右肋腫如覆瓢轉側作水聲脉數經曰陰虛陽氣湊襲寒化為熱熱甚則肉腐為膿即此證也及按其腫處即起是膿成遂濃煎黃芪六一湯令

先飲二鍾然後針之膿出數椀虛證並至遂用大補三月餘而愈 大抵膿血大泄血氣俱虛當峻補之雖有他病皆宜緩治蓋元氣一復諸病自退老弱之人不問腫潰尤當補也 一人因勞發熱脇下腫痛脉雖大按之無力此氣血虛腠理不密邪氣襲于肉理而然也當補之以接虛怯之氣以補中益氣湯加羌活四劑少可去羌活又百餘劑而愈 一人面白神勞脇下生一紅腫如桃教用補劑不信乃用流氣飲十宣散血氣俱憊而死 一人年踰二十腋下患毒十餘日腫硬不潰脉弱時嘔予謂腫硬不潰陽氣

用音  
虛嘔吐少食胃氣弱宜六君子湯加砂仁藿香彼謂  
腫瘍時嘔毒氣攻心潰瘍時嘔陰虛宜補予曰此丹  
溪大槩言也若腫赤痛甚煩躁肌實而嘔為有餘當  
作毒氣攻心而下之以瘡屬心火故也腫硬不潰脈  
弱時嘔為不足當補之亦有痛傷胃氣或感寒邪穢  
氣而嘔者雖腫瘍尤當助胃壯氣蓋腫瘍毒氣內侵  
作嘔十有一二潰瘍濕氣內傷作嘔十有八九彼不  
信飲攻伐藥愈甚復請診脈微弱而發熱予謂熱而  
脈靜及脫血脈實汗後脈躁皆難治果歿

○內發丹毒

或問脇下至腰胯間腫痛赤色如霞何如曰此名內  
發丹毒治之稍緩毒攻於內嘔噦昏迷胃腹膜脹者  
死二便不通遍身青紫者死急砭出惡血服防風通  
聖散去白朮甘草紫金丹勝金丹汗之服汗劑得汗  
則生無汗則死嘔吐不食譫語者死

八腹部 十一

○臍上疽

或問臍上寸許發疽何如曰此名衝疽又名中發疽一名壅腎瘡由心火熾盛流入腎經所致腫高膿稠色赤可治宜流氣飲活命飲勝金丹奪命丹選用若平塌黑色膨脹惡心膿水清稀內腎疼痛渴甚瀉利無度謔語直視者死潰久不斂者死 按後所言危證只是虛耳如能大補不死也

○臍癰

或問當臍生癰何如曰此即臍癰也由心經積熱流

*[Faint bleed-through text from the reverse side of the page]*



於大小腸二經所致宜何首烏散活命飲加升麻及  
紫金丹三生散選用壯實者一粒金丹下之 按臍  
為神闕穴禁針之所早消散之免使見膿為上

○小腹疽

鬼遺云衝疽發小腹疼痛而振寒熱四日帽帽五日  
變色可刺不刺及導引出膿毒不治五十餘日死  
或問臍下發疽何如曰此即小腹癰臍下一寸五分為  
氣海二寸為丹田三寸為關元皆屬任脉由七情不和  
所致急服活命飲紫金丹奪命丹壯實者一粒金丹八  
陣散下之老弱者黃芪木香散內補十宣散十全大補

湯選用若潰而低陷膿水清稀或潰爛久不斂者死  
或問一人年十九患疽於小腹之左數月堅塊如石  
寒熱間作飲食減少漸至羸瘦何如曰是名緩疽屬  
足太陰經積熱所致由醫不得法邪正相持耳投以  
紫金丹活命飲間服十全大補湯半月而愈

○總論

臍腹癰謂瘡生於肚腹或生於皮裏膜外屬膏粱厚  
味七情鬱火若漫腫堅硬肉色不變或脉遲緊未成  
膿也四君加芎歸白芷枳殼或托裏散腫軟色赤或  
脉洪數已成膿也托裏消毒散膿成而不外潰者氣

血虛也卧針而刺之腫焮作痛者邪氣實也先用仙  
方活命飲隔蒜灸以殺其毒後用托裏以補其氣若  
初起欲其內消當助胃壯氣使根本堅固而以行經  
活血之藥佐之若用尅伐之劑欲其消散則腫者不  
能潰潰者不能斂若用疎利之藥下其膿則少壯者  
多為難治老弱者立見危亡

一人年踰三十腹患癰腫脉數喜冷齊氏曰瘡瘍腫  
起堅硬者實也河間曰腫硬脊悶煩躁飲冷邪在內  
也用清涼飲倍大黃三劑稍緩次以四物湯加苓連  
山梔木通四劑而潰更以十宣散去參耆桂加金銀

花天花粉彼欲速効自服温補藥肚腹遂腫小便不  
利仍用清涼飲膿潰數梔再以托裏藥治之而愈  
一人腹癰焮痛煩躁作嘔脉實河間曰瘡瘍火屬須  
分内外以治其本又云嘔噦心煩腫硬脊悶或皮肉  
不變脉沉而實毒在內也當疎其內以絕其源用內  
疎黃連湯利二三日諸證悉退更以連翹消毒散而  
愈 一人腹癰膿熟開遲脉微細膿出後瘡口微膿  
如蟹吐沫此內潰透膜也瘡瘍透膜十無一生雖用  
大補亦不能救此可為待膿自出之戒也 一人素  
嗜酒色小腹患毒脉弱微痛欲求內消予謂當助胃

壯氣兼行經活血佐之可消彼欲速効自用敗毒等藥勢果盛瘡不潰膿飲食少思兩月餘復請診脉愈弱盜汗不止聚腫不潰肌寒肉冷自汗色脫此氣血俱虛故不能發腫成膿以十全大補湯三十餘劑膿成針之反加煩躁脉大此亡陽也以聖愈湯二劑仍以前湯百劑而愈 司馬李梧山患此腹痛而勢已成用活命飲一劑痛頓止用托裏消毒散腫頓起此膿將成也用托裏散補之自潰而愈 錦衣掌堂劉廷器正德辛未仲夏腹患癰潰而膿清熱渴腹脹作嘔不食或以爲熱毒內攻皆用芩連大黃之劑病愈

甚薛曰當捨時從證投以參芪薑附等藥一劑嘔止食進再用托裏等劑而瘡愈 進士邊雲莊腹痛惡寒脉浮數薛曰浮數之脉而反惡寒瘡疽之證也不信數日後復請視之左尺洪數薛曰內有膿矣仍不信至小腹痛脹連及兩臂始悟薛曰膿潰臂矣氣血俱虛何以收斂急服活命飲一鍾臂潰一孔出膿斗許氣息奄奄用大補藥一劑神思方醒每去後糞從瘡出痛不可當小腹間如有物上挺卽發痙不省人事煩躁脉大舉按皆實省而診之脉洪大按之如無以十全大補倍用參芪至四斤更加附子二枚煎膏

服而瘕止又用十全大補湯五十餘劑而瘕斂  
上舍周上元腹患癰三月不愈膿水清稀朝寒暮熱服  
四物黃蘗知母之類食少作瀉痰涎上湧服二陳枳  
實之類痰涎愈甚胸膈痞悶謂薛曰何也薛曰朝寒  
暮熱血氣虛也食少作瀉脾腎虛也痰涌胸痞脾肺  
虛也悉因真氣虛而邪氣實也當先壯其胃氣使諸  
臟有所稟而邪自退矣遂用六君加黃芪當歸數劑  
諸證漸退又用十全大補湯肌肉漸斂更用補中益  
氣湯調理而痊 上舍毛體仁素陰虛春初咳嗽胸  
中隱痛腎脈數而無力肺脈數而時見此腎氣虧損

陰火熾盛用六味丸料一劑服之病勢雖減內癰已  
成蓋因元氣虛而未能發出火令可畏不信服痰火  
之劑兩月後乳間微腫脈洪數而無力薛曰膿內潰  
矣當刺出其膿以免內攻之禍不信又月餘請視但  
針得一孔膿攙不利仍復內攻唇舌青赤薛曰臟腑  
已壞吾何能治之後果歿 從姪孫年十四而畢姻  
乙巳春年二十四腹中作痛用大黃等藥二劑下血  
甚多胸腹脹滿痰喘發熱又服破氣降火藥一劑汗  
出如水手足如冰薛往他適歸診之左關洪數右尺  
尤甚乃腹癰也雖能收斂至夏必變而成瘵症用參

腹部

小兒

芪各壹兩歸朮各伍錢陳皮茯苓各叁錢炙草炮薑  
各壹錢一劑諸證少退腹始微赤按之覺痛又一劑  
作痛又一劑腫痛脉滑數針出膿瘀更用大補湯精  
神飲食如故因遺精患處色黯用前藥加五味山茱  
山藥骨脂吳茱等劑瘡口漸斂瘵證悉具其脉非洪  
大而數即微細如無唯專服獨參湯人乳汁少復良  
久仍脫余曰當備後事以俟火旺乃禱鬼神巫者歷  
言往事如見更示以方藥皆峻利之劑且言保其必  
生敬信服之後果歿經曰拘於鬼神者不可以言至  
德而况又輕信方藥於邪妄之人耶書此警後

背部 十二

發背

發背  
種  
有  
多

或問背發疽有幾曰上中下三發俱在脊中屬督脉  
上發者傷於肺發於天柱骨下中發者傷於肝為對  
心發下發者傷於腎為對臍發皆由積熱怒氣所致  
初如粟米或麻或痒或拘急或不痛或大痛初覺便  
宜隔蒜灸之或汗或下或托量其虛實施治腦發背  
發在上者不可用木通恐導虛下元故也老弱者尤  
宜戒然三發背總要之地與他處不同尤所當謹微  
有痛痒宜速治之活命飲加羌活紫金丹勝金丹奪

命丹選用壯實者一粒金丹八陣散等下之老弱者  
黃芪木香散十全大補湯托之  
鬼遺云蜂疽發髀背起心俞及心包絡俞若肩髃二  
十日不穴死十日可刺其色赤黑膿清者可治一或  
問一人年六十背患疽狀如蜂房十日而平塌寒熱  
痛楚殊甚飲食少進膨脹淋瀝何如曰此蜂窠發也  
診其脉微而遲四肢厥冷為不足詢其先前過服耗  
氣之劑又得暴怒用活命飲加參芪歸木兼以烏藥  
青皮木香間與紫金丹服之起發膿潰服十全大補  
湯而愈

特疽發肺俞及肝俞不穴二十日死八日可刺其色  
紅赤內隱起如椒子者死  
陰陽二氣疽廣闊滿背或大或小不常腫熱脹大十  
日可刺導引出膿不拘深淺多少發渴體倦十日外  
不見膿不治 或問背上麻木不常時腫時塌忽軟  
忽硬乍寒乍熱何如曰此名陰陽疽由七情內垂陰  
陽不和也此證必大渴神清肌定者可治宜活命飲  
加羌活或勝金丹奪命丹選用昏迷躁亂飲食不進  
者死十日得黃白膿者可治數日無膿者死  
筋疽發夾脊兩邊大筋上其色蒼八日可刺有癰在

肥腸中九十日死

禽疽始發者如疹數十處如拳打之狀發寒齒噤如此者十四日死十日可刺導引膿出即愈 或問背忽麻木拘急不痛十數處肉紫色如拳觸狀何如曰此名禽疽七日內寒熱口噤者死急服活命飲加羌活獨活勝金丹奪命丹得汗可治無汗不治神清脉和可治神昏脉躁或微或代者死漫腫不潰宜服臺閣紫微丸

或問背疽兩頭小四邊散何如曰此名兩頭發又名滿天星一名廣綿背發因積怒蓄熱所致活命飲加羌活紫金丹勝金丹壯實者八陣散一粒金丹下之腫高紅潤者生低陷黑暗者死

或問背脇之間三兩處發疽何如曰此名老鼠攢一名遊走血脾癰由怒氣積熱所致多發于足少陽足厥陰二經宜順氣清熱之劑服黃連解毒湯活命飲加黃連梔子及服紫金丹壯實者一粒金丹下之老弱者黃芪木香散內補十宣散選用七日不見膿黑陷及躁亂者死

或問背上生疽肉色不變麻木微痒頑如牛領之皮二三尺許何如曰此名竟體發亦名椒眼發由盛暑

時空腹感觸穢氣及憤怒積鬱所致宜活命飲加羌活或黃連解毒湯勝金丹烏金散選用壯實者八陣散一粒金丹下之七日内未成膿宜隔蒜灸灸而起發神清脉和者可治灸而不起腹脹神昏脉微或促或代者死服汗劑得汗者生無汗者死服補劑紅潤起發知痛者生膨脹不食乾枯黑陷者死

或問背當心而痛麻木不常累累如彈如拳堅硬如石痛徹五内遍身拘急何如曰此名酒毒發疽由飢飽勞傷炙博厚味所致宜服黃連解毒湯加羌活乾葛或神效消毒散内疎黃連湯紫金錠勝金丹選用

神昏脉亂大渴狂言有妨飲食者死二便閉結者死有因寒變而内陷者用托裏温中湯

或問背上細漏無數浸淫一二尺如湯火傷煩躁多渴何如曰此丹毒發疽也因服丹石剛劑所致紅潤者生紫黯者死惡證少者宜服黃連消毒散勝金丹國老膏惡證多神昏脉躁膨脹嘔噦者死

或問背側生疽高二寸長尺許狀如黃瓜肉色不變何如曰此名黃瓜癰一名肉龜疼痛引心四肢麻木是也此證多不可治急服紫金丹勝金丹活命飲加羌活柴胡及奪命丹神仙追毒丸選用脉微自汗譫



語者死平塌黑色者獨薑散主之服臺閣紫微丸  
 或問第九椎兩旁忽腫痛而無頭寒熱大作何如曰  
 此名龍疽即中搭也屬太陽經由七情不和憤怒積  
 熱所致壯實者急服一粒金丹或八陣散下之活命  
 飲加柴胡羌活黃芩水酒各半煎服老弱者黃芪木  
 香散內補十宣散十全大補湯選用色赤起發潤澤  
 者可治色黑低陷惡心眩運大便滑泄小便如淋瀝  
 語者死

因有五種

鬼遺方云人生最可憂者發背也其種有五 一曰  
 陽毒因風熱而有或患熱毒消渴或先患傷寒餘有

陽毒觸處畜積起于背脊脊之間不開椎數但從兩  
 夾脊起止腰上滿背焮熱如炊之狀赤紫或紅如焰  
 膿毒難成成後不止止後痛不除驀忽數日之間復  
 平如舊將謂腫消此是內攻肉陷不可療矣 二曰  
 陰毒發背是氣冷而作初如黍米粒起情緒不快情  
 情而痛直應前心心忪怔頭目昏重寒熱如瘡五七  
 日後始發引坎腫開闊難收內積有膿深沉遲緩未  
 透宜急以補氣湯藥內托外以抽膿藥貼之宜急見  
 膿無膿即平愈末期 三曰有入多服金石燒煉之  
 藥毒惡流滯成發背者初起如丹疹之狀藜藜漸開

如湯火瘡面色如朱心膈煩躁多渴嗜冷其瘡難起  
起卽驚入猶勝于陰陽二毒者緣此有解金石藥毒  
湯散治其內也賴有根底分明亦須急療方安 四  
曰人有患酒食毒發背者此疾非近得之乃臟腑久  
積乘飢乘困食之便睡或多食酒肉冷熱粘滑肥鮮  
熾膩未下胸膈房室不禁恣意當風取快脾臟氣虛  
不能受乘發毒攻背兩夾脊不問椎數初起癰頭如  
小彈子後大如拳堅如石痛遍四肢加之拘急口苦  
舌乾腹急大小便澁十數日後頭面手足虛腫及臟  
腑通泄如利內急痛者是其證也喜方腫引急用收

腫發穴潰膿湯藥內實外泄膿水不可放縱遲緩則  
皮肉腐壞傷骨爛筋漸成膿多因而感邪內敗者死  
矣 五曰人有冒山嵐瘴氣發背毒氣先在臟腑年  
月浸遠氣血虛損衰弱初起腫色青黑如靴皮頑痺  
痛深附筋骨徹髓按之如木石引手加深方覺似有  
痛處至五七日毒氣浮淺腫高色變青白有如拳打  
之狀寒戰似瘡及有風候頭動口偏手足厥逆眼黑  
睛小白多而慢此內有邪氣相搏急破出清血三五  
升方有黃膿白汗相和發泄其皮不寬不慢亦急脹  
痛亦不住直至色退熱疼方瘡亦宜急急追趕膿與

毒氣外出無害

生

初患腫三日內灸者生，八日內膿成針烙導引者生，未瘥慎勞力者生，慎忌食者生，慎喜怒者生，懼腫猛療者生，急療者生，不諱發背者生，待膿自出不導引者死，未內攻而針烙用藥導引者生，內攻後導引針烙者死，腫焮熱痛方盛已前療者生，如過此後已內攻者死，膿成後不導引但傳藥者死，如赤白痢氣急者是已內攻醫療無益必死，癰不救十得五生，疽不療十全死，輕腫怕痛者必死，不遇良方者死，節候不依法者

死

必死 愚執恣意用性逸情者死

治

有發背癰有發背疽如毒氣勇猛而發如火焚茅易于敗壞初發即可如黍米粒大三兩日漸赤引腫如手掌面大五七日如碗面大即易為攻焮熱赤引如火燒之狀浮面漸潰爛開內發腫如炊之狀外爛皮肉如削去紫瘀膿汁多而腫不退疼亦不止發渴發逆飲食不下嘔吐氣急浮淺開闊者尤宜發膿托毒湯藥用之必愈陽證實也其間有只如蓋面大者此非不大緣為毒氣深沉肉虛毒氣近膜也此必內攻近入臟腑却外入四肢先

攻頭面虛浮後攻手面次攻兩足面腫名曰毒氣散  
入四肢其人聲嘶氣脫眼睛黑小十指腫黑乾焦不  
治陰證

陰陽

精要云凡癰疽初發腫硬高者而毒氣却淺此乃六  
腑不和為癰其證屬陽勢雖急而易治若初發如粟  
粒甚則如豆許與肉俱平或作赤色時覺痒痛痒時  
慎勿抓破此乃五臟不調為疽其證屬陰蓋毒氣內  
畜已深勢雖緩而難治

外

始發一粒如麻豆大身體便發熱生疽處腫大熱痛  
此為發於外雖大如盆治之百耳百活陽證 或身

體不熱自覺倦怠生疽處亦不熱數日後漸大不腫  
不痛低陷而壞爛此為發於內雖神仙無如之何陰證

也

薛發背屬膀胱督脉經或陰虛火盛或醇酒厚味或  
鬱怒房勞所致若腫赤痛甚脉洪數而有力熱毒之  
證也為易治漫腫微痛色黯作渴脉洪數而無力陰  
虛之證也為難治不腫不痛或漫腫色黯脉微細陽  
氣虛甚也尤為難治 若腫焮作痛寒熱作渴飲食  
如常此形氣病氣俱有餘也先用仙方活命飲後用  
托裏消毒散解之

背疽

小

薛又云頭痛拘急乃表症先服  
人參敗毒散一二劑如焮痛用

金銀花散或槐花酒神効托裏散  
以清涼飲仙方活命飲苦參丸  
熱煩躁飲冷便秘脈沉實者內疎黃連湯或清涼飲  
大便已利欲得作膿用仙方活命飲托裏散蠟蟾丸  
外用神 浸腫微痛或色不赤飲食少思此形氣病  
氣俱不足也用托裏散調補之 不作膿或膿成不  
潰陽氣虛也托裏散倍加肉桂參芪 膿出而反痛  
或膿清稀氣血俱虛也八珍湯 惡寒形寒或不收  
斂陽氣虛也十全大補湯 晡熱內熱或不收斂陰  
血虛也四物加參朮 作嘔欲嘔或不收斂胃氣虛  
也六君加炮薑 食少體倦或不收斂脾氣虛也補  
中益氣加茯苓半夏 肉赤而不斂血熱也四物加

山梔連翹 肉白而不斂脾虛也四君加酒炒芍藥  
木香 小便頻數者腎陰虧損也加減八味丸 若  
初患未發出而寒熱疼痛作渴飲冷此邪氣內蘊也  
仙方活命飲口乾飲熱漫腫微痛此元氣內虛也托  
裏消毒散飲食少思肢體倦怠脾胃虛弱也六君子  
湯如未應加薑桂其有死者乃邪氣盛氣虛而不  
能發出也在於旬餘之間見之 若已發出用托裏  
消毒散不腐潰用托裏散如不應急溫補脾胃其有  
死者乃真氣虛而不能腐潰也在於二旬之間見之  
若已腐潰用托裏散以生肌如不應急溫補脾胃

其有死者乃脾氣虛而不能收斂也在於月餘間見

之

外治法初起焮痛或不痛及麻木者邪氣盛也隔蒜

灸之痛者灸至不痛不痛者灸至痛毒隨火而散再

不痛者須明灸之謂不隔蒜但未潰以前皆可灸也更用

箍藥圍之若用烏金膏或拔生膏點患處數點尤好

間用雄黃解毒散洗患處每日用烏金膏塗瘡口處

候有瘡口即用紙作撚蘸烏金膏翠青錠子尤妙入瘡內

若有膿為脂膜間隔不出而作脹痛者宜用針引之

腐肉堵塞者去之若瘀肉腐動用豬蹄湯洗如膿稠

或痛飲食如常瘀肉自腐用消毒與托裏藥相兼服

之仍用前一膏塗貼若腐肉已離好肉宜速去之如

膿不稠不稀微有疼痛飲食不甘瘀肉腐遲更用桑

柴灸之多用托裏藥若瘀肉不腐或膿清稀不焮痛

者急服大補之劑亦用桑柴灸之以補接陽氣解散

鬱毒管觀患疽稍重未成膿者不用蒜灸之法及膿

熟不開或待腐肉自去多致不救大抵氣血壯實或

毒少輕者可假藥力或自腐潰怯弱之人熱毒中隔

內外不通不行針灸藥無全功矣然此證若膿已成

宜急開之否則重者潰通臟腑腐爛筋骨輕者延潰

良肉難於收功，因而不斂者多矣。大抵發背之患，其名雖多，唯陰陽二證為要。若發一頭或二頭，其形焮赤腫高，頭起疼痛發熱，為癰屬陽，易治。若初起一頭如黍，不腫不赤，悶痛煩躁，大渴便秘，寐語齟齬，四五日間其頭無數，其瘡口各含一粟，形似蓮蓬，名蓮蓬發。積日不潰，按之流血，至八九日或數日，其頭成片，所含之物俱出，通結一衣揭去，又結其口，共爛為一瘡。其膿內攻，色紫黯，為疽屬陰，難治。脈洪滑者尚可沉細，尤難。如此惡證，惟隔蒜灸及塗烏金膏有效。凡人背近脊并髀皮裏有筋一層，患此證者，外皮

雖破難潰，以致內膿不出，令人脹痛苦楚，氣血轉虛，變證百出。若待自潰多致不救，必須開之，兼以托裏之劑常治。此證以利刀剪之尚不能去，以此堅物待其自潰，豈不反傷乎？非氣血壯實者未見其能自潰也。

羅謙甫治一人年踰六旬，冬至後數日疽發背，五七日腫勢約七寸許，痛甚。瘍醫曰：膿已成，可開發矣。病者恐不從，三日醫曰：不開恐生變症，遂以燔針開之。膿泄痛減，以開遲之故也。二日變症果生，覺重如負石，熱如熯，火痛楚倍常。六脈沉數，按之有力。此膏藥

積熱之變也邪氣酷熱固宜以寒藥治之時月嚴寒復有用寒遠寒之戒乃思內經云有假者反之雖違其時從證可也急作清涼飲子加黃連秤壹兩伍錢作一服服之利下兩行痛減七分翌日復進前藥其證悉除月餘平復 虞奕侍郎背脊中發小瘡不悟只以藥調補數日不疼不痒又不滋蔓疑之呼外醫灸二百壯已無及此公平生不服藥一年來唯覺時時手脚心熱疾作不早治又誤服補藥何可久也蓋發背無補法諺云背無好瘡但發于正中者為真發背按謂發背無補法此非通論然一種癢補而無通變者又不可不知 揚州名醫陽吉

老其術甚著有一士人狀若有疾厭厭不聊莫能名其為何苦往謁之楊曰君熱證已極氣血銷鑠且盡自此三年當以疽死不可為也士人不樂而退聞茅山觀中一道士醫術通神但不肯以技自名未必為人致力士人心計交切乃衣僮僕之衣詣山拜之願執役左右道士喜留真弟子中誨以誦經日夕祇事願指如意經兩月餘覺其與常隸別呼扣其所從來士人始再拜謝過以實告之道士笑曰世豈有醫不得之病當為子脈之又映曰汝便可下山吾亦無藥與汝但日日買好梨啖一顆如生梨已盡則取乾者



泡湯飲之仍食其滓此疾自當平矣士人歸謹如其  
戒經一歲復往揚州楊醫見之訝其顏貌腴澤脉息  
和平謂之曰君必遇異人不然何以至此士人以告  
楊立具衣冠焚香望茅山設拜蓋自咎其術之未至  
也

寒

程明佑治槐充胡嫗年六十疽發背大如孟頭如蜂  
窠嘔逆咽不下瘍醫藥之毒雖殺而胃寒泄程曰病  
必分陰陽虛實胃傷于寒令人嘔逆溫補則榮衛充  
而氣血周貫則毒隨膿出而肌肉漸生依方投藥四  
五劑咽遂下嘔止已癰潰體漸平 陳斗崑治王主

政福建人背患一癰痛甚發咳逆十餘日水穀不下  
脉伏如絕醫皆不治陳視之曰此寒涼過甚中氣下  
陷以四君加薑桂三進而病如失癰亦漸愈 一男  
子年五十餘形實色黑背生紅腫及髀骨下痛其脉  
浮數而洪緊食亦嘔正冬月與麻黃桂枝湯加酒黃  
蘗生附瓜蒌子甘草節羌活青皮人參黃芩半夏生  
薑六貼而消此亦內托之意也 周許事觀患背癰  
瘡口久不合召瘍醫徐廷禮療治恒以托裏十宣二  
散與服不效徐謂周曰更請盛用美來共事料理吾  
技窮矣既而盛至按脉用藥率與徐類但多加人參

背脊 夕禾四  
五錢附子稍行功耳服後兩足俱暖自下而上謂其  
子曰今之藥何神哉頓覺神爽快服之旬日而宿口  
平復 御醫王介之之內年四十背疽不起泄瀉作  
嘔食少厥逆脉息如無屬陽氣虛寒用大補劑加附  
子薑桂而不應再加附子二劑瀉愈甚更以大附子  
一枚薑桂各三錢參芪歸朮各五錢作一劑腹內始  
熱嘔瀉乃止手足漸溫脉息遂復更用大補而潰托  
裏而斂十年後終患脾胃虛寒而歿  
丹溪治一人背癰徑尺穴深而黑急作參芪歸朮膏  
飲之三日略以艾芎湯洗之氣息奄奄然可飲食每

日作多肉餽飽大碗與之盡藥膏五斤餽飽三十碗  
瘡漸合肉與餽飽補氣之有益者也 一老人背發  
疽徑尺已與五香十宣散數十貼嘔逆不睡素有淋  
病急以參芪歸朮膏以牛膝湯入竹瀝飲之淋止思  
食盡藥四斤膿自涌出而愈 一人發背癰疽得肉  
托十宣多矣見膿嘔逆發熱又用嘉禾散加丁香時  
天熱脉洪數有力此潰瘍尤所忌然形氣實只與參  
膏竹瀝飲之盡藥十五六斤竹百餘竿而愈後不戒  
口味夏月醉坐水池中經年餘左脇旁生軟塊二年  
後成疽自見脉證嘔逆如前仍服參膏等而安 汪

石山治一老人患背癰診視之其脉洪緩而濡癰腫如碗皮肉不變按之不甚痛微發寒熱乃語之曰若在髀脚經絡交錯皮薄骨高之處則難矣今腫去脚骨下掌許乃太陽經分尚可治遂用黃芪伍錢當歸羌活甘草節各壹錢先令以被蓋煖藥熟熱服令微汗寢熟腫消一暈五服遂安 薛已治進士張德弘背疽微腫微赤飲食少思用托裏藥膿成而潰再用大補湯之類肉生而斂忽寒熱作嘔患處復腫其脉浮大按之若無形氣殊倦薛謂之曰此胃氣虛也非瘡毒也彼云侵晨登廁觸穢始作仍用補藥而斂

一人大背患疽年餘瘡口甚小色黯陷下形氣怯弱脉浮緩而濇此氣血虛寒也用十全大補加附子少許數劑而元氣漸復却去附子又三十餘劑全愈 一婦年五十餘四月初背當心生疽如栗大三百漸大根盤五寸許不腫痛不寒熱薛診其脉微而沉曰脉病而形不病者是也實則痛虛則痒陰證陽證之所由分也不發不治潰而不斂亦不治乃與大補陽氣之劑色白而黯瘡勢如故至十二日復診其脉沉瘡勢不起神疲食減小便淋瀝乃與大補氣血加薑桂二劑瘡亦不起十五日因怒嘔瀉並作服大補藥

一劑瘡仍不起薛留藥二劑而去病者昏憤不服或  
勸之省悟依方連進七劑十六日瘡起而潰色紅而  
淡膿亦如之十九日薛至喜曰瘡已踰險處但元氣  
消鑠尚可憂連與大補二十餘劑五月十日病者  
因勞自汗口乾舌強太陽髮際腦頂俱脹復延薛至  
診之曰此氣血俱虛肝膽火上炎用補中益氣湯加  
山梔芍藥頓愈但內熱少睡手足發熱不時霍熱用  
逍遙散加山梔熱退復用歸脾湯瘡乃愈計瘡發及  
歛四十二日內翰楊臯湖少叅史南湖之內二條  
並見陽一儒者年幾六旬仲冬背疽初起入房患

處黑死五寸許黯暈尺餘漫腫堅硬背如負石發熱  
作渴小便頻數兩耳重聽揚手露體神思昏憤脉沉  
而細右手為甚便秘廿七日計進飲食百餘碗腹內  
如常眾欲通之薛曰所喜者此耳急用大劑六君子  
加薑附肉桂三劑瘡始熾痛自後空心用前藥午後  
以六味丸料加參芪歸朮五劑復用活命飲一劑針  
出黑血甚多瘀膿少許背即輕軟仍用前藥便亦通  
利薛他往四日神思復昏瘡仍黑陷飲食不進皆以  
為殞薛以參芪歸朮各壹兩炮附子伍錢薑桂各貳  
錢服之即索飲食并鴨子二枚自後日進前藥一劑

背部背瘡  
小斗四

肉腐膿潰而愈。操江都憲伍松月背瘡愈後大熱  
誤為實火用苦寒藥一鍾寒熱益甚欲冷水浴身脉  
浮大按之全無薛曰此陽氣虛浮在肌表無根之火  
也急用六君加附子一劑即愈。一男子背瘡不斂  
焮腫發熱小便赤澀口乾體倦脉洪數而無力用參  
芪歸朮熟地黃芩芍陳皮麥冬五味炙草肉桂補元  
氣引虛火歸經脉證益甚此藥力未能及也再劑頓  
退却去肉桂又數劑而愈此證因前失補元氣故耳  
憲副陳魯山年伍旬居官勤苦勞傷元氣先口乾  
舌燥後至丙午仲夏發背疽漫腫中央色黯四畔微

赤微痛脉舉之浮大按之微細左寸短而右寸若無  
十餘日腫未全起薛曰此屬病氣元氣虛寒當捨時  
從證朝用參芪薑桂歸朮陳皮半夏炙草溫補其陽  
夕用加減八味丸滋其肝腎各四劑而腐潰但膿水  
清稀盜汗自汗內熱晡熱脉浮而數改用八珍湯復  
裝熱而夜陽舉此腎虛而火妄動仍用加減八味丸  
料煎服而安又因怒動肝火瘡出鮮血二盞許左關  
弦數右關弦弱此肝木侮脾肝不能藏血脾不能統  
血也用十全大補兼用前藥料各一劑而血止再用  
前藥調理而痊。一人仲夏疽發背黯腫尺餘皆有

小頭如鋪黍狀四日矣此真氣虛而邪氣實也外用  
隔蒜灸內服活命飲一劑其邪稍退仍純補其氣又  
將生脉散代茶飲瘡邪大退薛因他往三日復視之  
飲食不入中央肉死大便秘結小便赤濁曰此間斷  
補藥之過也蓋中央肉死毒氣盛而脾氣虛大便不  
通胃氣虛而腸不能送小便赤濁脾土虛而火下陷  
治亦難矣急用六君加當歸柴胡升麻飲食漸進大  
便自通外用烏金膏塗中央三寸許四圍紅腫漸消  
中央黑腐漸去乃敷當歸膏用地黃丸料與前藥間  
服將百劑而愈 中翰鄭朝用背疽發熱吐痰飲食

無味肌肉不生瘡出鮮血薛曰此脾氣虧損不能攝  
血歸源也法當補脾胃彼不信用消毒涼血加惡寒  
嘔吐始悟其言用六君加炮薑半夏茯苓數劑諸證  
悉退又令用十全大補瘡口漸斂後因飲食稍多泄  
瀉成痢此脾胃虛寒下陷用補中益氣下四神丸而  
痢止繼以六君子湯而瘡愈 封君袁懷雪背疽發  
熱作渴脉數無力用四物加黃藥知母玄參山梔連  
翹五味麥冬銀花脉證漸退又加白芷參芪腐肉悉  
潰因停藥且勞熱渴仍作乃與參芪歸芷炙草山藥  
山萸茯苓澤瀉肉桂而安又以六味地黃丸及十全

大補而斂 都憲周弘岡背患疽腫而不潰脉大而浮此陽氣虛弱而邪氣壅滯也用托裏散倍用參芪反內熱作渴脉洪大鼓指此虛火也用前散急加肉桂脉證頓退仍用托裏而愈若以為熱毒而用寒藥則誤矣 太僕王勳塘初起因太勞又用十宣散之類加喘渴內熱脉大無力此陽氣自傷不能升舉下陷於陰分而為內熱也薛以補中益氣加酒炒芍藥麥門冬五味子治之而愈 上舍張克恭患此內服外敷皆寒涼敗毒遍身作痛欲嘔少食晡熱內熱惡寒畏寒薛曰遍身作痛榮衛虛而不能營於肉裏也

欲嘔少食脾胃虛寒而不能消化飲食也內熱晡熱陰血內虛而陽氣陷於陰分也惡寒畏寒陽氣虛弱而不能衛於肌膚也此皆由脾胃之氣不足所致遂用補中益氣湯諸證漸退又以十全大補湯腐肉漸潰又用六君子湯加芎歸肌肉頓生而愈 儒者周兩峰懷抱久鬱背脊患疽肝脈弦洪脾脉浮大按之微細以補中益氣湯加桔梗貝母少用金銀花白芷二劑肝脉頓退脾脉頓復乃以活命飲二劑膿潰腫消肝脉仍弦此毒雖去而胃氣復傷仍用補中益氣湯加茯苓半夏而愈 上舍蔡東之患此薛用托裏

之藥而潰瘡口尚未全斂時值仲冬兼咳嗽薛曰瘡口未斂脾氣虛也咳嗽不止肺氣虛也法當補其母一日與其全宴見忌羊肉薛曰補可以去弱人參羊肉之類是也最宜食之遂每日不徹旬餘而瘡斂嗽亦頓愈矣 憲副屠九峰孟春患此色黯漫腫祚渴便數尺脉洪數此腎水乾涸當歿於火旺之際不信更用苦寒之藥復傷元氣以促其歿 京兆柴黼菴仲夏患之色黯微腫發熱煩躁痰涎自出小腹陰實手足逆冷右關浮澀兩尺微細薛曰此虛寒之證也王太僕云大熱而不熱是無火也決不能起懇求治

之遂用大溫補之藥一劑流涎雖止患處不起終不能救 顧包泉老醫年六十有五因盛怒疽發於背大如盂四圍色黑召瘍醫治之用冷藥敷貼敷已覺涼約曰七八日後爲用刀去瘀肉顧俟其去曰四圍色黑乃血滯更加冷藥非其治也乃更治熱敷藥去舊藥敷之覺甚痒終夜明日色鮮紅焮腫亦消惟中起數十孔如蜂房一日許又覺惡心作噦視一人頭如兩人頭自診曰此虛極證也用參附大劑進二服視已正矣不數日竟愈

**血熱** 一婦因得子遲服神仙聚寶丹背生癰甚危脉散大



背脊  
外科  
三十  
而瀉急以加減四物湯百餘貼補其陰血幸其質厚  
易于收斂

此方治人日受濕用之去腐肉其去日四圍  
大便通四圍已黑必感濕氣之用令藥速燥其  
亦以心氣平醫年六十有因濕致發其  
之液以大便通之藥一服其濕去其

八腰部十三

○腰疽

或問十四椎旁腰腎之間發疽何如曰此名連腎發  
即下搭也由房勞太過致傷腎水令人口乾寒熱大  
作百節俱痛急服勝金丹黃芪肉托散活命飲加羌  
活黃芪治之稍緩潰爛透膜者死若見咳嗽嘔噦腰  
間似折不能俯仰飲食不納者死潰而膿水清稀腐  
爛腥穢迷悶不醒厥逆者不治 一婦年逾七十腰  
生一癰作癢異常疑蟲蟲所毒診脈浮數齊氏曰脈  
浮數反惡寒者瘡也翌日復診脈乃弱予謂未潰而

腰疽 腰脊疽

脉先弱何以收斂况大便不通則真氣已竭治之無功固請不得已用六君子加藿香神麩飲食漸進大便始通更用峻補之劑潰而膿清作渴再用參芪歸芩麥門五味而渴止喜曰可無虞矣予曰不然不能收斂先入之言也彼疑更醫果歿一人年十九腰間腫一塊無頭不痛色不變三月不潰飲食少思肌肉日瘦此氣搏腠理滯氣不行鬱而為腫名曰濕毒流注元戎曰若人飲食踈精神衰氣血弱肌肉瘦滯衛之氣短促而澀滯故寒搏腠理閉鬱為癰者當補以接虛怯之氣遂以十全大補湯加香附陳皮三十

餘劑始針出白膿二碗許仍用藥倍加參芪仍灸以豆豉餅漸愈彼乃惑于速効內服敗毒外貼涼藥反致食少膿稀患處色紫復請予治喜得精氣未衰仍以前藥加遠志貝母白斂百劑而愈此或久而不愈或膿水清稀當服內塞散及灸附子餅然後可愈一婦年踰二十腰間突腫寸許肉色不變微痛不潰發熱脉大此七情所損氣血凝滯遂道而然當益氣血開鬱結更以香附餅熨之使氣血充暢內自消散若爾雖潰亦無危不聽乃服十宣流氣之藥氣血愈虛潰出清膿不斂而死一婦產後腰間腫兩腿尤

甚此瘀血滯于經絡而然不早治必作癰遂與桃仁湯一劑稍愈更以沒藥丸數服而痊亦有惡血未盡臍腹刺痛或流注四肢或注股內痛如錐刺或兩股腫痛此由冷熱不調或思慮動作氣乃壅遏血蓄經絡而然宜沒藥丸治之亦有或因水濕所觸經水不行而腫痛者宜當歸丸治之凡惡血停滯為患匪輕治之稍緩則為流注為骨疽多致不救府庠彭碧溪患腰疽服寒涼敗毒之藥色黯不痛瘡頭如鋪黍背重不能安寢耳聾目白面色無神小便頻澀作渴迷悶氣粗短促脈浮數重按如無余先用滋

腎水之藥一劑少頃便利渴止背即輕爽乃砭去瘀血以艾半觔許明灸患處外敷烏金膏內服參芪歸朮肉桂等藥至數劑元氣稍復自疑肉桂辛熱一日不用手足並冷大便不禁仍加肉桂及補骨脂貳錢肉豆蔻壹錢大便如常其肉漸潰更用當歸膏以生肌肉八珍湯以補氣血而愈舉人顧東溪久作渴六月初腰患疽不慎起居瘡潰尺許色黯敗臭小便如淋唇裂舌刺七月終請治左尺洪數左關浮濇余謂先渴而患疽者乃腎水乾涸虛火上炎多致不起然膿水敗臭色黯不痛瘡口張大乃脾氣敗而肌肉

或也小便如淋痰壅喘促口乾舌裂乃脾肺敗而腎水絕也左尺洪數腎無所生也左關浮濇肺尅脾也况當金旺之際危殆速矣二日後果歿蓋此證既發於外兩月方歿者乃元氣虛不能收斂也若豫為調補使氣血無虧亦有得生者

或問一人患疽於腰胯之間肉色不變堅硬如石經月不潰者何如曰此名石疽屬少陽陽明二經積熱所致邪毒固結元氣不足故不能起發活命飲加獨活羌活柴胡黃芪及紫金丹汗之壯實者入陣散一粒金丹下之老弱者十全大補湯人參養榮湯托之

若黑陷不起麻木不痛嘔噦不食精神昏亂脉散或代者死神清脉和服臺閣紫微丸

○纏腰火丹

或問連腰生瘡累累如珠何如曰是名火帶瘡亦名纏腰火丹由心腎不交肝火內熾流入膀胱纏於帶脉故如束帶急服內疎黃連湯壯實者一粒金丹下之活命飲加苓連黃檗外用清熱解毒藥敷之此證若不早治纏腰已徧則毒由臍入膨脹不食而死治蛇纏瘡

右用雄黃研為末以醋調塗仍用酒調服凡為蛇

要部 醫火丹 小斗口 三三

傷及蜂蠆蜈蚣毒虫顛犬所傷皆可用之

下部 十四

○便毒

鬼遺云腿胫兩處起為便毒跨下兩脣尖下大道前  
穀小道後道成懸癰皆是虛極人患此癰近穀道左  
右亦名痔癰宜急補脾臟及發處貼藥即用發穴散  
破後用抽膿膏膿盡用合瘡口散合之慎勿過冬即  
成冷漏難治 夫便毒生於小腹下兩腿合縫之間  
其毒初發寒熱交作腿間腫起疼痛是也夫腎為作  
強之官所藏者精與智也男女大慾不能直遂其志  
故敗精搏血留聚經隧乃結為便毒矣蓋腿與小腹

合縫之間精氣所出之道路也或觸景而動心或夢寐而不洩既不得偶合陰陽又不能忘情息念故精與血交滯而成腫結也初起切不可用寒涼之藥恐氣血愈滯不得宣通反成大患惟當開鬱散氣清利熱毒使精血宣暢則自然愈矣孫按前論蓋思想無窮所願不遂者設也此固一說而意猶未完果如此論當僧尼媼婦官人曠夫多有此患然予目擊商賈中野合不潔淫妓便構此疾或疔瘡或楊梅者亦由慾火淫熾一旦交合不潔為淫火冲動膚腠開通是以受毒初發之時慎不宜以敗毒之藥瀉之何也

毒邪非虛不入若復虛胃氣則毒邪下陷治之非彌年累月不愈也捷法只宜發汗其次利小便膚腠所感之邪汗易散也陰莖腿縫皆肝經絡肝腎主下焦又肝主小便使毒邪從小便中出所治皆順也故治之不可旬日便可奏功若曾已發汗利小便體厚邪固而不得宣通者乃以破毒活血調氣之劑攻之俟毒氣宣通隨以補劑托之亦不失先後着也睡便癰屬厥陰肝經內熱外寒或勞倦過度或房慾不節或慾心不遂或強固其精或肝經濕熱而致治法內熱外寒者雙解散勞倦過度者補中益氣湯房慾不節

者六味丸料慾心不遂者先用五苓散加大黃疎其精滯後用地黃丸以補其肝腎強固其精或濕熱壅滯者宜用龍膽瀉肝湯疎肝導滯夫便癰血疝也屬厥陰肝經之絡脉衝任督脉之隧道故婦人患此多在兩拘腫痛或腹中結塊小便澀滯苟治者得法患者又能調攝何難歛之有若槩用大黃等劑以求其內消或令膿從便下損其氣血及不慎起居飲食者皆為不治

**表**一人腫痛發熱以荆防敗毒散二劑而止以雙解散二劑而消

荆防敗毒散治便癰發寒熱或拘急疼痛腫方見裏一人焮腫作痛大小便秘脉有力以玉燭散二劑頓退更以龍膽瀉肝湯四劑而消

子和玉燭散即四物湯調胃承氣湯各半服之

世又方

劉寄奴

王不留行

大黃

金銀花

木鼈子

右等分酒水煎露一宿五更服

丹治便毒初起

射干貳寸

生薑如指大

三十七

右取順流水煎微沸服之以瀉為度又用牛皮膠

醋煮塗患處射干紫花者非

治已結成膿者

大黃半兩

枳實

厚朴各參錢

甘草節壹錢

連翹半兩

桃仁泥貳拾壹枚

右分三服薑參片水煎服

又治便毒

青皮

白芷

柴胡

赤芍藥

檳榔

朴硝

烏藥

木瓜

大黃

連翹

瓜萸

生地黄

甘草節

黃芩

三稜

蓬朮

犀角

皂角刺

右為吹咀以水參碗煎至壹碗候大飢服以瀉為

度

三物湯 治便癰

牡蠣

大黃

山梔子各等分

右為末以酒水壹大盞煎至米分露壹宿空心温

服

四神散

治便毒初起寒熱欲成癰疽服此神效

下邪 便毒

小科四

卷八



大黃

木龍子

僵蠶

貝母 各貳錢半

用酒水各壹鍾煎至壹鍾食前熱服若得汗下為

妙

雙解散

治便毒內蘊熱氣外挾寒邪精血交滯腫

結疼痛

川大黃 叁錢

澤瀉

牽牛

白芍藥

桃仁 去皮尖

辣桂

甘草 各壹錢

右作二服水貳鍾生薑伍片煎至壹鍾食前服

補骨脂散

破故紙 炒研

牛蒡子 微炒

牽牛 炒

大黃 酒拌炒

右為末每服壹兩酒調下

消毒五聖湯

治便毒腫疼神効

五靈脂

白僵蠶

鬱金

貝母

大黃 各叁錢

右酒水各半煎服連服三貼立愈

消毒飲 治便毒初發三四日可消

皂角針

金銀花

防風

當歸

大黃

甘草節

瓜蒌實 各等分

右吹咀水酒各半煎食前温服仍頻提掣頂中髮立効

又方 木鼈子大黃瓜蒌桃仁草龍膽吹咀濃煎露一宿清晨温服立愈

止痛妙絕飲 治便毒腫硬不消不潰疼痛無已此方一服立能止痛

人參

大黃 各伍錢

右用酒水各壹鍾煎至壹鍾入乳香沒藥各壹錢空心食前服

牡蠣散 治血疝卽便毒

當歸

酒拌

甘艸節

滑石 煨

牡蠣

煨各壹錢半

大黃

叁錢

木鼈子

伍枚

作一劑用水貳鍾煎壹鍾露壹宿五更頓服冬月火温服已未潰膿血從大便出

薛按此方乃鹹寒導滯之劑若久曠房室大小便秘發熱焮痛或交感強固精氣致精血交錯腫結疼痛便秘者宜用若勞倦之人不甚焮痛大小便如常或小便赤色發熱不作膿及潰而不斂宜用十全大補湯蓋此證多起於勞役不足或房勞過

度精氣俱虛之人俗云一石米瘡此言百日後可愈也若大補氣血不旬日而愈何用百日蓋瘡之收斂在乎血氣之盛也嘗治舉人凌待之虛而服尅伐藥幾致危殆予用托裏健脾藥而消秀才王文遠勞苦患之服小柴胡湯而表證散後用托裏藥膿成針之而旬日愈胡荆官膿清脈弱以大補之藥而已愈因新婚復發自用連翹消毒散致瀉痢不止竟致不救可見此證屬不足多矣非補不可大抵便毒屬肝經初起堅硬肝主筋故也五七日後當赤軟膿成故也若尚堅硬乃元氣不能腐

化往往人見堅硬只欲肉消反服攻散藥多致虛虛之禍前所治者即其驗也

又方

山梔

大黃

乳香

沒藥

當歸各半錢

瓜萸个錢

代赭石壹錢

右作一服水煎

**表裏**一人不慎房勞患此腫痛以雙解散二服其病即止更以補中湯數劑而膿成針之以八珍湯加五味麥門柴胡三十餘劑大抵便癰者血疝也俗呼

下部 便毒

外科四

四十一

為便毒言於不便處患之故也乃足厥陰肝經絡及衝任督脉亦屬肝之旁絡也是氣血流通之道路今壅而腫痛此則熱毒所致宜先疎導其滯更用托裏之劑此臨證制宜也

防風通聖散

治瘡瘍便毒若瀉去芒硝大黃能解

暑月熱毒或遍身頭面患瘡

芍藥焙

芒硝

滑石煨

川芎

大黃煨

桔梗

石膏煨

荆芥

麻黃各肆分半

山梔

白木

連翹

當歸

薄荷

甘艸

防風

黃芩焙各捌分

作一劑水貳鍾煎捌分服

愚按此方非表裏俱實大小便秘者恐不可用宜

審之通聖散合益元散名雙解散

蘇方散 治便毒

木鼈肉

當歸尾

芍藥

白芷

粉甘草

川芎

射干

忍冬即金銀花

大黃

沒藥

蘇木

穿山甲糖火煨各陸分

右細切作一服水酒各壹盞煎至壹盞食前服  
流氣活血東垣青皮湯 治便毒

青皮 防風 當歸身 甘草稍生各等分

右咬咀分作四服水壹小碗煎至捌分去粗大溫服空心日進三服

復原通氣散 便毒初發用此

南木香 延胡索 天花粉酒浸 舶上藜香炒

白牽牛炒 白芷 當歸 甘草各壹兩

青木香半兩 穿山甲酒浸炙

右為細末每服貳錢食前溫酒調服木香湯亦可

**補虛** 府庠沈尼文年二十左拗患之余以肝腎陰虛

先用托裏藥潰而將愈因入房發熱作渴右邊亦作痛膿水清稀虛證悉至脉洪大而無力勢甚可畏用

十全大補加附子壹錢脉證頓退再劑全退後用大補湯三十餘劑而痊 一男子腫而不潰余謂此因

陽氣虛弱用參芪歸朮以補托元氣用白芷皂角刺柴胡甘草節以排膿清肝數劑而潰以八珍加柴胡

補其氣血數劑而愈 一人患便毒膿稀脉弱以十全大補湯加五味麥門白斂三十劑稍愈更以參芪

歸朮膏而平因新婚復發聚腫堅硬四肢冷脉弱皮

便毒

小科

聖

寒飲食少，惡此虛極也。仍用前藥，加桂附三劑，稍可。彼欲速愈，自用連翹消毒飲，泄利不止而歿。一人年踰四十，素勞苦，患便毒發寒熱，先以小柴胡湯加青皮一服，表證悉退。次以補中益氣湯加穿山甲二劑，腫去三四更，以托裏之藥五六服，膿成刺去，旬日而斂。一人腫而不潰，以參芪歸朮甘草節皂角針白芷柴胡數劑而潰，以八珍湯加柴胡數劑愈。一人潰而腫不消，且不斂，診之脈浮而濇，以豆豉灸更以十全大補湯月餘而愈。

**消毒清火** 一儒者瘡痛便澀，用八正散二劑清肝火。

導濕熱而腫痛愈，再以小柴胡加芎歸澤瀉山梔二劑清肝火，補脾血而小便利。一男子潰而腫痛不止，此餘毒未解，用活命飲一劑而痛止，再劑而腫消。一男子痛甚發熱，用前飲一劑痛止，再以神效瓜蒌散加山梔柴胡二劑而消。一男子已潰而痛不止，小便秘澀，此肝火未解也，與小柴胡湯加黃蘗知母芎歸，痛止便利，更以托裏當歸湯而瘡斂。若毒未解而痛不止者，須用活命飲。一人膿未成大痛，服消毒托裏肉疎藥，不應脈洪大，毒尚在，以仙方活命飲一劑痛止，又劑而消。一人潰而痛不止，諸藥不

下泄便毒

聖

應診之脉大按之則數乃毒未解也以仙方活命飲而止又二劑而消一人腫痛日晡發熱以小柴胡加青皮天花粉四劑痛止熱退以神效瓜蒌散四劑而消

瓜蒌散 治便癰等惡瘡

瓜蒌 壹枚

金銀花

牛蒡子 炒各叁錢

生薑

甘草 各半兩

右將藥不犯銅鐵器搥碎用酒壹大升煎數沸空心温服

威靈仙散 治便毒

威靈仙

貝母

知母 各壹兩

右三味為末每服叁錢空心温酒調下如不散再服

薛按此方通經去膿消毒補虛益氣蓋此證多患於陰虛之人此方乃是一見也亦有焮痛小便數者宜先用加減龍膽瀉肝湯大小便秘焮腫作痛宜八正散增寒發熱劑防敗毒散然後用此方若不作膿或膿不潰宜用大補之劑潰而不斂者更用豆豉餅灸之

小便不利 一老婦腫痛膿未作小便滯肝脉數以加

下部 便毒

小兒科四

聖

減龍膽瀉肝湯加山梔黃藥四劑而消  
加減龍膽瀉肝湯

龍膽草酒拌炒

澤瀉

車前子炒

木通

生地黃

當歸尾

山梔炒

黃芩各壹錢

甘艸生用伍分

作一劑用米貳鍾煎至捌分食前服如濕盛加黃連大便秘加大黃

大便不實

一人服尅伐藥以求內消致瀉利少食以

二神丸先止其瀉以十全大補倍加白朮茯苓數劑而消 一人年踰四十患便毒尅伐太過飲食少思

大便不實遺精脉微東垣云精滑不禁大便不利腰脚沉重下虛也仲景曰微弱之脉主氣血俱虛以六君子加破故紙肉豆蔻煎服泄止食進更以十全大補湯加行經藥十餘劑而消

婦人

一婦素清苦因鬱怒患前症或用敗毒寒涼之

藥反哺熱內熱自汗盜汗月經不行口乾咽燥余謂此鬱氣傷脾因藥復損先以當歸湯數劑後兼逍遙散各五十餘劑而諸證皆愈 一婦小腹內如有所梗兩拗與人門俱腫小便淋瀝經候不調內熱作渴飲食少思腹內初如雞卵而漸大脉洪數而虛左關



尤甚屬肝脾鬱結之證也。用加味歸脾湯，肝火退而脾土健，間以逍遙散，下蘆薈丸而愈。一婦兩拘腫痛腹內一塊，不時上攻，月餘不調，小便不利，余以為肝脾氣滯，以四君加芍歸柴胡山梔而愈。後因鬱怒前證復作，却兼胸脇脹滿盜汗，此肝木甚而傷脾土，用加味歸脾湯下蘆薈丸而痊。一婦小腹內或作痛或痞悶，兩拘腫痛內熱寒熱胸膈不利，飲食不甘，形體日瘦，此肝氣滯而傷脾氣，朝用補中益氣湯，夕用六味丸，漸愈。更用蘆薈丸而全愈。一婦兩拘腫痛小腹痞脹，小便便時數，白帶時下，寒熱往來，小便淋瀝。

瀝余謂脾氣滯而血病，用龍膽瀉肝湯，漸愈。又用加味逍遙散六味丸而全愈。一婦人患前證，胸脇脹悶，或小便不利，或時作痛，大便澀滯，服疎氣豁痰等藥，益甚。余謂肝火氣分之病，用龍膽瀉肝湯以清肝熱，又用加味逍遙散以生肝血，六味丸以滋腎水而愈。一婦患前證，余謂此肝脾鬱怒之證，不信別服化痰利氣之劑，胸腹脹悶，又服峻利疎導之劑，變脾虛發腫之證而歿。一婦兩拘腫痛內熱作渴，飲食不甘，肢體倦怠，陰中作癢，小便赤澀，為肝脾陰虛濕熱，用加味歸脾湯而愈。後因怒復作小腹腫脹，小便

不利用小柴胡加山梔芩歸以清理肝火脹痛頓止  
又以加味逍遙散調補肝火而痊 一婦人兩拘腫  
痛寒熱內熱小便赤澀胸脇不利此肝火動而脾氣  
傷用補中益氣湯加茯苓數劑少愈又與加味歸脾  
湯諸證悉退再用加味逍遙散而全愈 一婦小腹  
痞悶小便不利內熱體倦懶食此氣血虛而兼肝火  
用八珍湯加柴梔膽草治之而安 一婦陰中如梗  
兩拘腫痛寒熱不食小便頻數小腹重墜余以為肝  
脾鬱結所致先以補中益氣湯加山梔茯苓車前子  
青皮以清肝火升脾氣更以加味歸脾湯二十餘劑

調理脾鬱而愈

雜方退毒散

治便毒腫結

穿山甲

離少醋炙  
焦伍錢

木猪腰子

醋微炙  
叁錢

為末每服貳錢食前老酒調下次以醋煮肥皂研

膏敷之妙

木猪腰子  
木猪苓

立消散

消便毒癰腫如神

全蝎

炒

核桃

去壳肉只  
用隔膜炒

等分為末空心酒調下叁錢下午再服三日全愈

外治敷藥方

治便毒腫痛 白僵蠶槐花為末酒調服一方加酒大黃

下部 便毒

小疔

便毒

雄黃

乳香 各貳兩

黃礬 壹兩

右為細末用新汲水調敷腫處自消

丹又方用甘草節白芷黃連各等分如破者龍骨白  
枯礬赤石脂并用鐵圍散癰疽腫毒亦治用之效

乳香

沒藥 各半兩

大黃

黃連

黃礬

南星

半夏

防風

羌活

皂角刺

木鼈子

瓜蒌

甘草節

草烏尖

阿膠

右為細末醋調成膏入石器內火熬黑色或翎蘸

傳之

○毛際瘍

或問小腹至陰之下玉莖之根痒極沸湯沃之稍止  
而復作有三四竅黃水淋漓何如曰此廣瘡結毒也  
詢之幼時曾生惡瘡旬日後大痛腫甚飲食少進作  
結毒治之

○囊癰

丹外科精要云癰疽入囊者死囊屬厥陰今以死言  
之將以為屬少陰腎經邪予親見入囊者七八人悉  
以濕熱入肝經施治而用補陰藥佐之雖膿潰皮脫

外科囊癰

外科

聖

畢九懸掛可畏者皆不死但不知下虛年老如何耳  
囊癰濕熱下注也有作膿者此濁氣潤下將流入  
入滲道因陰道或虧水道不利而然膿盡自安不藥  
可也惟在善于調攝耳又有因腹腫漸流入囊腫甚  
而囊自裂開畢九懸掛水出以麩炭杉木末傳外以  
紫蘇葉包裹仰臥養之 大抵此證屬陰道虧濕熱  
不利所致故滋陰降濕藥不可缺常治腫痛小便秘  
滯者用除濕為主滋陰佐之腫痛已退便利已和者  
除濕滋陰藥相兼治之欲其成膿用托裏為主滋陰  
佐之候膿成即針之仍用托裏滋陰若濕毒已盡者

專用托裡如膿清或多或少或斂遲者用大補之劑或附  
子餅灸之 薛囊癰屬肝腎二經陰虛濕熱下注若  
小便澇滯者先分利以泄其毒繼補陰以令其自消  
若濕熱退而仍腫痛宜補陰托裏以速其膿膿炊而  
便秘者熱毒壅閉也先用托裏消毒散後用針以泄  
之膿去即解若膿去而腫痛不減者熱毒未解也用  
清肝養榮湯口乾而小便數者腎經虛熱也六味丸  
內熱晡熱者肝經血虛也四物加參木體倦食少者  
脾氣虛熱也補中益氣湯膿水清稀者氣血俱虛也  
十全大補湯此證雖大潰而畢九懸露治得其法旬

腫未膿  
痛者作  
膿未膿  
腫未膿

日肉漸生而愈若專攻其瘡陰道益虛則腫者不能  
潰潰者不能斂少壯者多成痼疾老弱者多致不起  
亦有患痔漏久而串及於囊者當兼治其痔切忌寒  
藥尅伐虧損胃氣

一人囊癰未作膿而腫痛以加減龍膽瀉肝湯二劑  
少愈更以四物加木通知母黃蘗而消 一人膿熟  
作脹致小便不利急針以小柴胡加黃蘗白芷金銀  
花四劑少愈更以托裡消毒散數劑而消 一人年  
踰五十陰囊腫痛得熱愈盛服蟠葱散不應肝脉數  
此囊癰也乃肝經濕熱所致膿已成急針之進龍膽

瀉肝湯脉證悉退更服托裏滋陰藥外敷杉木炭紫  
蘇末月餘而愈 一人年踰六十陰囊潰痛不可忍  
翠丸露出服龍膽瀉肝湯敷麩炭紫蘇末不應薛意  
此溼氣熾盛先飲槐花酒一碗次服前湯少愈更服  
托裏加滋陰藥而平設以前藥不應加之峻劑未有  
不損中氣以致敗也 一弱人腫痛未成膿小便赤  
澁以製甘草青皮木通黃蘗當歸麥門四劑少愈以  
清心蓮子飲四劑而消 一人焮腫痛甚小便澁發  
熱脉數以龍膽瀉肝湯倍車前木通澤瀉茯苓勢減  
半仍以前湯加黃蘗金銀花四劑又減二三便利如

下部 囊癰

小斗四

五

常惟一處不消此欲成膿再用前湯加金銀花皂角  
針白芷六劑微腫痛脉滑數乃膿已成針之腫痛悉  
退投滋陰托裏藥及紫蘇末敷之而愈 一人病勢  
已甚脉洪大可用前湯二劑腫少退以仙方活命  
飲二劑痛少止脉洪數膿已成須針之否則陰囊皆  
潰彼不信更他醫果大潰畢丸掛復求治脉將靜以  
八珍湯加黃芪黃蘗知母山梔更敷紫蘇末數日而  
痊 一人連日飲酒陰挺并囊溼痒服滋陰等藥不  
應薛謂前陰肝脉絡也陰氣從挺而出素有溼熱以  
酒為濕熱合于下焦而然經曰下焦如瀆又云在下

腫硬  
發熱  
清肝  
降火

者引而竭之遂以龍膽瀉肝湯及清震湯而愈此或  
不應宜補肝湯及四生散治之 儒者陳時用考試  
不利一夕飲燒酒入房妻不納翌日陰囊腫脹焮痛  
遣人求治薛以除濕熱清肝火之劑城門夜閉不及  
歸服芫草報云夜來陰囊悉腐玉莖下面貼囊者亦  
腐此肝火挾酒毒而濕熱熾盛也仍以前藥加參芪  
歸朮四劑腐肉盡脫畢丸懸掛用大補氣血并塗當  
歸膏囊莖全復而愈  
一人患此腫痛發熱以小柴胡加青皮黃連四劑少  
愈更以龍膽瀉肝湯而消 給事陸貞山腫赤脹痛

下部 囊瘻

小疔

五五

小便滯滯寒熱作渴此肝腎陰虛濕熱下注也當清  
 肝火除溼毒遂用柴胡炒龍膽吳茱萸炒黃連當歸  
 銀花皂角刺赤芍藥防風木通甘州節一劑腫痛漸  
 退少加防風木通川芎茯苓作飲下滋腎丸以補陰  
 其熱腫俱退但內有一條筋不消此肝經血氣虛損  
 也當滋腎水用六味丸料去茯苓加五味二劑再用  
 補中益氣加茯苓作飲送滋腎丸筋頓消而愈  
 加味瀉肝湯 治肝經濕熱不利陰囊腫痛或潰爛  
 皮脫羣丸懸掛或便毒及下疳腫痛或潰爛並皆  
 治之

龍膽草酒拌炒

當歸尾

車前子炒

澤瀉

生地黄

芍藥炒

黃連炒

黃蘗酒拌炒

知母酒拌炒

防風各壹錢

甘草稍伍分

滋托

作一劑水貳鍾煎捌分食前服外敷烏金散  
 京兆朱一峰陰囊脹痛彼以為疝薛診其脉數而滑  
 此囊癰也因肝腎二經陰虛濕熱所致膿已成矣服  
 活命飲一劑而潰更用補陰托裏而斂 一膏染之  
 客陰囊腫脹小便不利此中焦積熱乘虛下注先用  
 龍膽瀉肝湯加黃蘗知母黃連牛膝四劑漸愈後用

下部囊癰

小丹

五三

補陰八珍湯加柴胡山梔而愈後不守禁忌前證復作仍用補陰八珍湯補中益氣湯六味丸而痊又因勞發熱自用四物黃蘗知母之類虛證悉具瘡口開大薛謂五臟氣血俱虛也朝用補中益氣夕用六君子加當歸各五十餘劑瘡口漸斂又用六味丸調補而愈 府庠李達卿素腎虛發熱久服黃蘗知母之類形體漸瘦遺精白濁晡熱唾痰薛曰此腎水虧損虛火內熾用補中益氣之類加五味麥門前症將愈又別用清熱涼血之劑飲食少思唾痰不止薛以為脾肺復虛不能攝涎歸源仍用前湯加茯苓半夏而

愈後入房頭暈吐痰腰骨作痛大小便道牽痛薛曰此精已耗而復竭所致危殆之證也遂朝用前湯加麥門五味夕用六味丸料加五味子葶藶五十餘劑諸證頓退後又入房陰囊陰莖作痛別用淡滲之劑陰囊內潰薛用補陰托裏之劑出膿甚多喜腫消痛止竟不善調養以致大便不通小便如淋痰涎上涌薛曰腎虛之證復作矣誠為可慮有保其可生者用礞石滾痰丸牛黃清心丸之類吐痰愈加薛曰非惟無以保其生而反促其危矣固辭不治後果歿 一男子醉而入房陰囊腫脹大如斗小腹脹悶小水淋



赤發熱口乾痰涎壅甚此膀胱陰虛酒毒所乘也用  
六味丸料加車前牛膝作飲下滋腎丸諸證頓退再  
加五味麥門二劑而愈却以補中益氣加麥門五味  
調理而康若用淡滲復損真陰決致不起  
加味小柴胡湯 治囊癰腐爛或飲食少思日晡發  
熱

柴胡 人參 黃芩 炒 川芎

白朮 炒 黃芪 鹽水 當歸 酒洗 黃蘗 酒拌

知母 酒拌 甘草 各壹錢 半夏 伍分

作一劑水貳鍾煎八分食前服 痛甚加黃連

腫而潰不潰而  
者不飲而  
補者大氣

小便不利加木通

知州王汝道先晡熱發熱肢體倦怠入房則腿足酸  
軟足心熱至腿膝六脉洪數兩尺為甚余以足三陰  
虛欲滋補化源彼反服苦寒降火之劑後陰囊腫脹  
用治疝之藥腫脹益甚形氣愈虛服溫補之劑腫痛  
上攻小便不利兩尺脉洪滑按之虛甚余曰此囊癰  
也因氣血虛而不能潰先用補中益氣湯加山藥山  
朮黃車前子柴胡山梔一劑腫脹頓消隨用六味丸  
料加車前牛膝柴胡山梔一劑小便漸通乃用活命  
飲與前一藥消息兼用至二十餘劑囊裂出穢膿甚

下部 囊癰

多乃用托裏消毒散六劑膿穢清又用托裏散數劑  
膿水漸少更用補陰托裏散及十全大補湯五十餘  
劑而痊 一人年踰五十患此瘡口不斂診之微有  
濕熱治以龍膽瀉肝湯濕熱悉退乃以托裏藥及豆  
豉餅灸而愈次年復患濕熱頗盛仍用前湯四劑而  
退又以滋陰藥而消若潰後虛而不補少壯者成漏  
老弱者不治膿清作渴脉大者亦不治 一人患此  
久不斂以十全大補湯加五味麥門灸以豆豉餅月  
餘而平 一病人膿熟脹痛大小便秘急針之膿出  
三椀許即斂睡覺神思少健但針遲故用托裏藥至

三十餘劑始差若服解毒藥即潰盡矣

**似是而非**

一人囊腫狀如水晶時痛時癢出水小腹  
按之作水聲小便頻數脉遲緩此醉後飲水入房汗  
出遇風寒濕毒乘聚于囊名水疝也先以導水丸二  
服腹水已去小便如常再以胃苓散倍白朮茯苓更  
用氣針引去聚水而差 一人年踰四十陰囊腫痛  
以熱手熨之少緩服五苓散不應尺脉遲軟此下虛  
寒邪所襲而然名曰陰疝非瘡毒也治以蟠蔥散少  
可更服胡蘆巴丸而平 一人年踰三十陰囊濕痒  
莖出白物如膿舉則急痛此肝疝也用龍膽瀉肝湯

而愈陰莖或腫或縮或挺或痒皆宜此藥治之

治腎癰用石蠟熱水磨服

外治

石灰散 治腎漏陰囊先腫後穿破出黃水瘡如魚口能致命

右用五倍子同石灰炒黃色去灰攤地出火毒砂盆內研細末不犯銅鐵乾摻上五七次可

治外腎癰瘡

抱雞卵殼

鷹爪黃連

輕粉各等分

右為細末用煎過清油調塗

烏金散

麩炭

紫蘇葉各等分

右為末香油調搽

陰瘡

陰器屬足厥陰肝經任脉之會素問云厥陰之脉絡陰器繫於肝靈樞曰筋者聚於陰器而脉絡於舌本肝者筋之會也又屬督脉素問曰督脉者其絡循陰器合篡間是也至於足太陽外合清水內屬膀胱而通水道手太陽外合淮水內屬小腸而水道出焉則又屬手足太陽也腎主水則又屬足少陰也飲入於胃游溢精氣上輸於脾脾氣散精上歸於肺通調水

下邪 囊瘡

小疔四

五七

道下檢筋腕則又屬手太陰也素問又謂前陰者宗筋之所聚太陰陽明之所合則又屬脾與胃矣癰瘡生其間須細心求而責之不可專主一厥陰肝經而惟清肝導濕之為事斯無誤矣 隱處瘙痒成瘡挾有耳鳴目痒鼻赤齒浮指縫白等症為腎臟風瘡生於陰頭為陰頭癰 生於竅口為下疳瘡 今但生於陰莖者皆為下疳姑從之

**腎藏風瘡**戴院使云癩風因精未調外為風濕所襲從陰囊濕汗作痒起流注四肢手叉白色悉生瘡瘍俗謂之腎臟風四生飲貳兩以竹刀細切豬腰壹對

銀石器中酒漉煮爛研細和藥為丸如梧子大如不可丸入酒醋少許每服五六十九丸鹽酒空心下又用花蛇散和消風散酒調服或升麻和氣飲嚙烏頭煮鹽丸及烏荆丸或花蛇丸若癩常濕痒欲得淋洗則以蛇床子一味煎湯用之

三因四生散 治癩風上攻下注耳鳴目痒鼻赤齒浮或作口瘡下注陰濕四散搔痒通體生瘡及婦人血風等症

白附子 痰藜擦去刺 黃芪蜜炙 羌活各等分 為末每服貳錢鹽酒調下有一人將豬腎破開入

下疳腎風

斗十四

五

鹽菴藥煨亦妙癩屬宗筋胃陽明養之故有是證

治腎臟風凡指縫白者只一二服効

黃芪壹兩 木通 甘草

黑牽牛各半兩

石四味細剉用蟹螯柒枚去翅同藥炒焦黑去蟹  
螯餘為末蒸餅糊為丸如桐子大空心鹽湯下參

拾丸

本事烏頭丸 治腎臟風上攻下注生瘡并癩

川烏頭二味以黑豆半升煮透  
草烏頭軟去皮臍切晒各壹兩

天麻 地龍去土 白附子各半兩

右為末酒糊為丸如桐子大每服貳參拾丸空心  
食前鹽酒鹽湯任下

腎臟風甘草節煎湯洗極効

腎臟風痒不可當者吳茱萸蛇床子等分煎湯洗神

効治腎臟陰汗生瘡用莧菜根莖葉燒灰存性研

細抓破傅之立愈又蒼耳草蛇床子煎湯洗之良

全蠍散 治腎臟風發瘡痒

全蠍叁枚 明硫黃貳錢研 生虢丹壹錢

輕粉半錢 雞心檳榔壹大箇破開好黃丹

麝香少許

下部 腎風 小洋四

右為細末研勻磁盒收每用少許麻油調抹兩掌  
先以鼻嗅男以兩掌揜外腎女以兩掌揜兩乳各  
睡至醒次日依前再用藥屢効

牡蠣散

治陰囊兩傍生瘡或陰濕水出其痒甚苦

夜則抓之無足後必自痛或兩腋汗脚板心汗濕  
無可奈何此藥主之予親得此症受苦數十年得  
此方隨用二三日如法擦之二十餘年不發實為  
神効

牡蠣

黃丹炒各

枯白礬肆兩

右為細末遇夜睡時用手捏藥於陰痒處痛擦之

不一時又搽之三四次後頓減次夜再搽雖大瘡  
又搽後自然平復如腋汗亦有頓搽方可脚汗先  
搽後裝藥靴或鞋底上脚板上塗藥纏脚裹之亦  
可

浴毒湯 治小腸風陰瘡痒痛

- 木通
- 藁本
- 貫衆
- 荊芥
- 薄荷
- 白芷
- 枳殼
- 甘松

右剉碎用藥貳兩水五升入芒硝半兩煎至參升  
去滓熱洗浴瘡

陰瘡膏 治男女陰瘡

米粉豆酒芍藥 黃芩 牡蠣

附子各柒錢半 白芷各柒錢半

右六味為吹咀以不入水猪膏壹斤微火上煎三上三下候白芷黃膏成絞滓去內白粉和取傳瘡上

小浴方 治虛勞陰濕痒生瘡

川椒 苦參 蛇床子各壹兩半

香附子 白礬 白芷 狗脊

細辛各壹兩 桂心叁分

右吹咀每用藥壹兩以水叁升煎至貳升去滓傾入盆子內但乘熱氣坐盆子上熏之良久通身便洗患處甚者不過三兩度

沐浴長春散 治男子下元陰濕久冷陰囊左右夜

痒抓之則喜佳之則痛成瘡流水為害甚苦此藥見効及治婦人下部陰濕胎元久冷

牡蠣 蛇床子 破故紙 紫稍花 官桂 乾荷葉各等分

右吹咀每用壹兩半水壹小鍋入葱白數莖煎至捌分去滓先薰後洗却用後藥

枯礬 壹兩 黃丹 蛤粉 各半兩

右件共研為細末熏洗了後以手捏藥末搽濕痒處

銅綠散 治男婦陰部濕淹瘡

銅綠 少許 白礬 壹錢 乳香 半錢 輕粉 壹字

五倍子 半兩

右為細末洗淨搽之

有一婦人患臍下腹上連二陰遍滿生濕瘡狀如馬刀他處並無熱痒而痛大小便澁出黃汁食亦減身面浮腫醫作惡瘡治用鰻鱺魚松脂黃丹之類塗

瘡

瘡上愈熱痛甚治不對故也細問之此人嗜酒貪啗嘉魚蠔發風等物急令用溫水洗拭去膏藥尋馬齒莧肆兩研爛入青黛壹兩再研勻塗瘡上即時熱減痛痒皆去仍服八正散日三服發散客熱每塗藥一時久即乾又再塗新濕藥如此一日減三分之一五日減二自此二十日愈既愈乃問曰此瘡何緣至此曰中下焦畜風熱毒熱氣若不出當作腸癰肉痔仍須禁酒及發風物後不能禁酒果患肉痔

世腎臟風瘡 血却 即百蟲窠右膝內者 集腎臟風瘡 血却 即百蟲窠針入 三陰交

腎風

小井日

三七



下疳瘡 薛下疳瘡屬肝經溼熱下注或陰虛火燥治  
法腫痛發熱者血虛而有熱也四物湯加柴胡山梔  
腫痛寒熱者肝經濕熱也小柴胡湯加龍膽草黃連  
腫痛便澀者濕熱壅滯也龍膽瀉肝湯腫痛腐潰者  
氣血虛而有火也八物湯加山梔柴胡日晡熱甚者  
陰血虛而有熱也小柴胡湯加參朮芎歸日晡倦怠  
者陽氣虛而下陷也補中益氣湯其經久不愈而發  
寒熱者腎水不能生肝木也用六味丸若筋縮縱或  
為痒痛或出白津此筋疝也用龍膽瀉肝湯氣虛者  
補中益氣加炒山梔炒龍膽陰虛火燥者用六味丸

莖中痒出白津用補中益氣湯與清心蓮子飲間服  
蓋此證肝經陰虛為本腫痛寒熱等證為標須用六  
味丸以生肝血凡脾土虛不能生金水而見一切肝  
證者當佐以補中益氣湯加麥門冬以滋化源丹  
治男子恥瘡或痛在莖之竅或痛在莖之標皆手足  
太陽不利熱毒下傳入于足厥陰故變紫黑色作蝕  
瘡毀其莖而死宜以子和泄水丸散導濕毒無不愈  
者若已成瘡先泄其根次從標而治外以葱白黑豆  
汁漂洗拭乾以黃連木香蜜陀僧乾胭脂之類細末  
搽之如內潰膿不出以追膿散上之又用子和泄水

九如後竅膿少可用黃連木香胭脂等貼之 一隣  
人年三十性狡而躁素患下疳瘡或作或止夏初患  
白痢膈上微悶醫與理中湯四貼昏悶若死片時而  
甦予脈之兩手皆瀋重取略弦似數予曰此下疳瘡  
之深重者與當歸龍薈丸去麝四貼而利減與小柴  
胡去半夏加黃連芍藥川芎生薑煎五六貼而安  
一男子近三十歲有下疳瘡雖屢求治以其不能忘  
口却之忽一日頭痛發熱自汗衆作傷寒陽證治之  
反劇予診其脈弦甚七至重按則澁予曰此證在厥  
陰藥與證不相應遂作小柴胡湯加草龍膽黃連胡

黃連帶熱服四劑而病脫然 屢嘗治一男子下疳  
瘡每恣飲酒則發醫與小柴胡湯加黃連數貼不效  
又與玉燭散下之反劇予以甘州節小建中湯各半  
煎服之下咽痛止後以四物湯建中甘草等分與之  
遂安 薛庶吉士劉華甫或莖中作痛或竅出白津  
或小便秘澁先用小柴胡湯加山梔澤瀉黃連木通  
膽草茯苓一劑以清肝火導濕熱諸證漸愈後因勞  
倦忽然寒熱此元氣復傷也用補中益氣湯而安又  
用六味丸生肝血滋腎水而全愈 州守姜節甫患  
前證膿水淋漓作渴吐痰午前惡寒午後發熱余曰

下疳下疳

下疳

午前惡寒屬陽氣虛弱午後發熱屬陰血不足不信  
反服一陳黃檗知母之類飲食益少大便不實又日  
晡熱渴小腹重墜患處焮痛恪用四物黃檗知母之  
類飲食亦不思余以脾氣虛而下陷先用補中益氣  
湯調養脾胃以升陽氣諸證漸愈又用六味丸滋補  
腎水以生肝血而痊 一小兒十五歲患前證雜用  
消毒之藥虛證悉具二年餘矣詢之乃稟所致用單  
解湯月餘諸證漸愈又用補陰八珍補中益氣二湯  
而痊 一儒者莖中作痒發熱倦怠外皮浮腫二年  
矣用八珍加柴胡山梔及六味地黃丸而愈有兼陰

毛間生蟲作痒者用桃仁研爛塗之 一儒者因勞  
而患焮痛寒熱體倦頭疼小便赤澀用補中益氣湯  
加車前牛膝山梔而愈 一儒者陰莖腐爛腫痛不  
止日晡熱甚口乾體倦食少欲嘔此肝脾血虛也先  
用六君子加柴胡升麻脾胃醒而諸證退更以補中  
益氣加炒山梔肝火退而腫痛痊  
子和泄水丸 一名大智丸

- 大戟
- 芫花
- 甘遂
- 海帶洗
- 海藻洗
- 郁李仁
- 續隨子各半
- 樟柳根煮兩

下部 下冊 小斗口 六五

右為細末水煮東肉為丸如小豆大每服伍米  
拾丸熟水下按此藥太峻用者慎之  
治下疳瘡先用穰子和泄水去根後用此藥乾上

黃連

滑石 各半兩

定粉 三錢

輕粉 少許

乳香 一錢

蜜陀僧 二錢

右細末乾上或加乾胭脂或加木香煨榔

大芩薈丸 一名九味 芩薈丸

治肝火下疳潰爛或作痛爛

腫或治小兒疳膨食積口鼻生瘡下齧蝕爛  
等証并麥蝕肛門痒痛

胡黃連

芩薈

黃連

木香

白蕪荑

青皮

白雷丸

鶴蝨艸 各壹兩

麝香 壹錢

為末蒸餅糊丸桐子大每服壹錢空心米飲下

入正散 治下疳便毒小便淋漓脉證俱實者

大黃

車前子

瞿麥

篇蓄

山梔

木通 各貳錢

滑石 貳兩

甘艸 壹錢

右水煎服

洗毒湯 治陰蝕瘡

苦參

防風

露蜂房

甘草 各等分

右咬咀水煎濃汁洗瘡

洗藥

下部 下冊

金銀花散 治下疳瘡

金銀花

荆芥

朴硝

蛇床子

甘松

白芷

檳榔 各壹兩

右吹咀每用伍錢水伍椀加葱白參根同煎數沸  
盆盛水先熏後洗却上藥

洗藥 黃連 黃蘗 當歸 白芷 獨活 防風

朴硝 荆芥 各等分 入錢伍拾文烏梅伍箇鹽壹匙

入水同煎温洗日五七次敷下項藥

敷藥 木香 檳榔 黃連 銅青 輕粉 枯礬

海螵蛸 麝香各等分 為極細末洗後至夜敷上

千金治丈夫陰頭癰師所不能醫用鼈甲壹枚燒末  
以雞子白和傅良

丹下疳瘡

蛤粉

臘茶

苦參

青黛

蜜佗僧

右用河水洗瘡淨臘豬脂調敷并治膝瘡

又方 青黛 海蛤 蜜佗僧 黃連共為末敷上

治一切熱毒惡瘡及下疳瘡用蜜佗僧黃蘗各壹分  
半膩粉壹錢麝香少許先洗瘡拭乾傅之甚者三

四次

治下疳瘡雄黃黃連等分分末濕者乾摻乾者油調  
傳先用荆芥射干煎湯洗却傳之妙 一方用地  
骨皮末傳之神效

**取膿**

追膿錠子

海藏

膿內潰不出此藥追之

雄黃 貳錢

巴豆

壹錢半

輕粉

壹字

外臺秘要云陰頭瘡蜜煎甘艸傳之安

又方用頭髮用鹽水洗去垢膩淨再用米泔洗過又  
用清湯洗晒乾燒灰傳瘡上便結靨

又方 蒼耳葉為末傳之

治下疳瘡黑彤兔

一名烏兔一名孩兒沙

為末傳上神效

七寶檳榔散

治下元玉莖上或陰頭上有疳瘡漸  
至蝕透久不愈者

檳榔

雄黃

輕粉

蜜陀僧

黃連

黃檗

村硝

黃連

黃檗

右為細末和勻先以葱白漿水洗淨軟帛搥乾如  
瘡濕乾摻如乾小油調塗

玉粉散

治下陰瘡疼不寐

滑石

蜜陀僧

寒水石

煨各半兩

膩粉

麝香 各少許

右為細末油調傅或乾貼患處

蚯蚓散 治陰莖瘡

蚯蚓 貳分

豆粉 壹分

右用水研塗上乾又傅之一方用豉壹分

丹胞散 治玉莖上生瘡臭爛者

右以豬胞壹個連尿去一半留一半用新磚兩口炭火煨將豬胞連尿於磚上焙乾不住手一向移放於兩口磚上輪流不歇莫與火煨着胞待尿乾為度研為末入黃丹壹錢先用葱湯以鵝毛抹洗

以舊帛拭乾此藥搽三五次立見効

地連散 治玉莖上生瘡

右用地骨皮煎湯洗以訶子連核燒存性為末乾

川連散 治下部注瘡

右以宣連為細末漿水調成餅攤於碗面上內用艾及穿山甲參片燒烟覆碗熏成黑色再取下如是者五次以黃連餅黑色為度地上出烟毒再研細濕則乾塗乾則清油調塗三四次先用黃檗藿香茵陳煎湯温洗

神妙方

治莖頭三五孔小漏瘡出血微膿

右用油髮燒作灰存性研細傳之乾則津唾調傳仍以米飲調髮灰食前服

麝香散 治妬精瘡痒而濕者

麝香

黃礬

青礬 各等分

右為細末小便後用少許傳之

治陰濕生瘡黃水流注

用白礬多少以右研為末以冷水洗瘡淨後傳之

津調散 治妬精瘡膿汁淋漓臭爛

黃連

欬冬花 各等分 麝香 少許不用

右為細末先以地骨皮蛇床子煎湯洗軟帛拭乾津調傳之忌生湯洗

胭脂散 治陰瘡

坯子胭脂

真菜豆粉 各等分

右同研勻傳之

蜜蟻散 治陰濕欲盡瘡痛甚者

蜜蟻壹枚

兔糞壹兩

右同研細每用少許傳瘡上日三四次

截疔散 治年深疔瘻瘡效

白芨

白欬

黃丹



蜜陀僧 各壹兩 黃連 半兩 輕粉 壹錢

水片 麝香 各半錢

右為細末和勻每用或摻或紙瘡中以膏藥貼之

甘石散 治下部疳瘡

爐甘石 蜜陀僧 各壹錢半 輕粉 壹分

椽斗子 燒灰存性叁錢 龍骨 半錢 麝香 少許

右為細末先用荆芥杜仲川椒煎湯放溫洗罷次用藥些少乾貼

梔子散 治下疳瘡

右用梔子一枚去穰入明礬末麵糊封合口火燒

存性為末乾摻上隨効

銀粉散 治下疳陰頭生瘡

右用墻上白螺螄殼不以多少火內煨酥為末水內飛過先去土石麤者次用輕粉隨分兩入在末內每以少許乾貼在瘡上

治下疳瘡

右以孩兒茶研為細末先洗瘡淨乾則小油調傅濕則乾摻之神効

博金散 治下疳瘡臭爛腫痛

白礬 與蜜陀僧同為末相和入於沙鍋內火上炮汗盡 蜜陀僧 已上各伍錢

白堊 貳錢

黃丹

輕粉 已上各壹錢

乳香 伍分

麝香 壹字

右為細末先須另用槐枝葱白鹽甘草熬湯淋濕洗一二時挹乾摻上項藥每用藥先須洗濕然後摻藥甚者三五次瘥

勝金散 治下疳潰爛或疼痛

黃連

黃檗

輕粉

銀硃

孩兒茶 各伍分

冰片 壹分

為細末香油調搽內服加味瀉肝湯

治下疳瘡久不愈椽斗子貳個各盛黃丹令滿相合

以亂髮纏定燒烟盡為度同研為末先以葱白熬漿水洗瘡膿盡次上藥甚者不過三次如神

療人陰生瘡膿出成坎取高昌白礬麻仁等分研煉

豬脂相和成膏槐白皮煎湯洗瘡拭乾即塗膏然

後以楸葉貼其上不過三五度瘥

下疳瘡用五倍子末傅之

○婦人陰瘡

運氣陰瘡皆屬寒經云太陽之勝陰中乃瘍隱曲不利治以苦熱是也

仲景云少陰脉滑而數者陰中即生瘡陰中蝕爛者

下疳瘡

婦人陰瘡

七

狼牙湯洗之用狼牙貳兩以水肆升煮取半升以綿  
纏筋如繭浸湯瀝陰中日三遍

洗榻散全大治陰蝕瘡

甘草

乾漆各壹兩

黃芩

當歸

地黃

芍藥各貳兩

龜甲伍兩

右細切以水柒升煮取壹半去查以綿帛內湯中  
用榻瘡處良久即易日二度每榻湯可作十里許  
即挹乾捻取甘濕散薄傅瘡上使徧可經半日又  
以湯榻榻訖如前傳藥

甘濕散

蝮蛇膽真者

青木香

石硫黃

鐵精

麝香各肆分

臨時入用緣麝辟  
蛇毒若先相和膽即無力

右各等分爲末更研細有患取如三碁子大和井  
花水日再服訖先令便利了即以後方桃枝先薰  
下部訖然後取藥如碁子安竹管裏內下部中日  
再度老少量減其薰法每白一度不用再

桃枝薰法

取東南桃枝伍柒枝輕打頭使散以綿

纏之又搗石硫黃爲末將此綿纏桃枝撚轉之令  
末少厚又截一竹筒先內下部中仍以所撚藥桃

下部 外科 四  
枝燒着薰之

蛇床子散 濕陰中主藥

用蛇床子仁一味末之以白粉少許和令相得如  
棗大綿裹內之自然濕散

補遺治陰瘡搗新桃葉綿裹內陰中日三兩易

餘詳女科前陰諸疾

○穿襠發 銳疽 涌泉疽

或問背之下極發疽何如曰此名穿襠發屬督脉及  
太陽經由勞傷憂思積鬱所致活命飲加羌活黃蘗  
內托羌活湯主之及勝金丹神仙追毒丸壯實者八

陣散一粒金丹下之老弱者十全太補湯人參養榮  
湯此證宜速治稍緩則潰爛難收斂成漏者多麻木  
黑陷泄瀉嘔噦疲倦者不治

靈樞曰發於尻名曰銳疽其狀赤堅大急治之不治  
三十日死矣

鬼遺云涌泉疽腫起發太陰太陰尻尾如伏鼠二十  
日不穴死十日可刺發清膿赤黑者死白者可治

○醫癰

或問醫上生癰何如曰腫高根淺為癰腫平根深為  
疽俱屬足太陽經濕熱所致宜服內托羌活湯內托

復煎散加羌活主之勝金丹黃芪木香散選用壯實者一粒金丹八陣散下之老弱者十全大補湯人參養榮湯先賢云此瘡當服補養之劑若無補養之功其禍多在結痂之後治之難愈切須戒謹勿輟太補之劑腫而不潰者服臺閣紫微丸薛醫膀胱經部分也居小腹之後此陰中之陰其道遠其位僻雖太陽多血氣運難及血亦罕到中年後尤慮此患治者毋傷脾胃毋損氣血但當固根本為主若腫硬作痛者形氣虛而邪氣實也用托裏消毒散主之微腫微痛者形氣病氣俱虛也用托裏散補之欲作膿用托

裏羌活湯若痛甚用仙方活命飲大勢既退亦用托裏消毒散若脾虛不能消散或不潰不斂者六君加芎歸黃芪若陰虛不能消散或作渴便淋者六味丸加五味子陽虛不能潰或膿清不能斂者補中益氣湯氣血俱虛者十全大補湯若腫硬未成膿者隔蒜灸活命飲潰後豆豉餅補中益氣十全大補二湯若灸後大勢已退餘毒未消頻用葱熨以補氣消餘毒而善 巡撫陳和峰脾胃不健服消導之劑左腿股及醫患腫余曰此脾氣虛而下注非瘡毒也當用補中益氣倍加白朮彼惑於衆論云白朮能潰膿乃專

以散腫消毒爲主而腫益甚體益倦余用白朮一味煎飲而消。儒者楊啓元左醫患此敷貼涼藥腫徹內股服連翹消毒散左體皆痛余以爲足三陰虧損用補中益氣湯以補脾肺六味丸加五味子以補肝腎股內消而醫間潰又用十全大補湯而瘡口斂。一儒者腫焮痛甚此邪毒壅滯用活命飲隔蒜灸而消後因飲食勞倦腫痛仍作寒熱頭疼此元氣虛而未能復也與補中益氣湯頻用葱熨法兩月而愈。一男子漫腫而色不變脈滑數而無力膿將成矣余用托裏而欲針彼畏針而欲內消誤用攻伐之劑頓

加惡寒發熱自汗等證余用十全大補湯數劑腫起色赤仍外針內補而愈。吳輔之父患此內潰腫脹發熱口乾飲食少思此脾胃虛弱也先用六君加芎歸芪數劑而潰又用十全大補湯倍加參芪五十餘劑而愈。一人年三十脉如屋漏雀啄腫硬色天膿水清稀誤服敗毒之藥余曰此足三陰虧損而藥復傷也余用六君加歸芪附子壹錢二劑腫潰色赤又減附子伍分數劑元氣復而瘡愈。一男子硬痛發熱此膀胱氣虛而濕熱壅滯用內托羌活湯二劑熱痛悉退後用托裏消毒散而潰又用托裏散四十餘

劑而斂 一上舍患痔外敷寒涼內服消毒攻潰於  
醫膿水清稀脉洪大而數寒熱作渴余舜不治果歿  
此足三陰虧損之證失滋化源以致真氣益虛邪氣  
愈甚矣不死何俟

內托羌活湯 治尻醫生癰堅硬腫痛大作

羌活

黃檗

酒製各  
貳錢

防風

當歸尾

藁本

連翹

蒼木

陳皮

甘草 炙各壹錢

肉桂 叁分

黃芪

壹錢半

右作一服水壹鍾酒半鍾煎至捌分食前服

○懸癰

懸癰生於篡間謂前陰之後後陰之前屏翳處也即  
會陰穴屬任脉別絡俠督脉衝脉之會癰生其間人  
起立則若懸然故名懸癰屬足三陰虧損之證輕則  
為漏瀝盡氣血而亡重則內潰而即隕若初起濕熱  
壅滯未成膿而作痛或小便澀滯用龍膽瀉肝湯腫  
焮痛甚仙方活命飲並以製甘草佐之如此雖患亦  
輕雖潰亦淺若不能成膿或膿成不潰者八珍散補  
之若膿已成者急針之欲其生肌收斂腎虛者六味  
地黃丸血虛者四物加參朮氣虛者四君加芎歸脾

虛者補中益氣湯氣血俱虛者八珍湯并十全大補湯若用寒涼消毒則誤矣 薛懸癰原係肝腎二經陰虛雖一干補猶恐不治况膿成而又尅伐不死何待常治初起腫痛或小便赤澀先以製甘艸一二劑及蒜灸更飲龍膽瀉肝湯若發熱腫痛者以小柴胡加車前黃檗芍歸膿已成卽針之已潰用八珍湯加製甘草柴胡稍酒炒黃檗知母小便澀而脈有力者仍用龍膽瀉肝湯加製甘草小便澀而脈無力者用清心蓮子飲加製甘艸膿清不斂者用大補劑間以豆豉餅或久而不斂者亦用附子餅灸並效 尚寶

鮑希傳足發熱服四物黃檗知母之類年餘患懸癰唾痰作渴飲湯其熱至膝更加芩連二陳熱痰益甚謂余曰何也余曰此足三陰虧損水泛爲痰寒涼之劑傷胃而甚耳遂先用補中益氣夕用六味丸間佐以當歸補血湯半載乃愈 趙州守患此證腫多作痛五月餘矣晡熱口乾盜汗食少體倦氣短脈浮數而無力此足三陰氣血虧損用補中益氣加製甘艸五味麥門三十餘劑食進勢緩又用六味丸料五十餘劑膿潰瘡斂後因怒作痛少食脇痛發熱仍用前藥賴其稟實慎疾而愈 通府張敬之患前證久不



愈日晡熱甚作渴煩喘或用四物湯黃蘗知母之類  
前症益甚更體倦少食大便不實小便頻數謂余曰  
何也余曰此脾虛之症前藥復傷而然也遂用補中  
益氣加茯苓半夏數劑飲食漸進諸症漸愈更加麥  
門五味調理乃痊經云脾屬至陰為陰土而主生血  
故東垣先生云脾虛元氣下陷發熱煩渴肢體倦怠  
等證用補中益氣湯以升補陽氣而生陰血若誤認  
為陰虛輒用四物黃蘗知母之類反傷脾胃生氣是  
虛其虛矣况黃蘗知母乃瀉陽損陰之劑若非膀胱  
陽火盛而不能生陰水以致發熱者不可用也

儒者患此服坎離丸及四物黃蘗知母之類不應肌  
浮洪按之微細余以為足三陰虛用托裏散及補陰  
托裏散漸愈又用六味丸補中益氣湯調補化源半  
載而痊大凡瘡瘍等症若腎經陽氣亢盛致陰水不  
能化生而患陰虛發熱者宜用坎離丸取其苦寒能  
瀉水中之火令陽氣衰而水自生若陽氣衰弱致陰  
水不能化生而患陰虛發熱者宜用六味丸取其酸  
溫能生火中之水使陽氣旺則陰自生况此證屬腎  
經精氣虧損而患者十有八九屬腎經陽氣亢盛而  
患者十無一二然江南之人患之多屬脾經陰血虧

損元氣下陷須用補中益氣湯升陽補氣使陽生而  
陰長若嗜慾過多虧損真水者宜用六味丸補腎經  
元氣以生精血仍用補中益氣湯以培脾肺之生氣  
而滋腎水經云陰虛者脾虛也但多誤以為腎經火  
症用黃蘗知母之類復傷脾肺絕其化源反致不起  
惜哉 上舍劉克新潰後作痛發熱口乾小便赤澀  
自用清熱消毒之藥不應左尺洪數余以為陽氣成  
而陰氣虛也先用四物湯加黃蘗知母等諸劑瀉其  
陽氣使陰自生服數劑諸證漸愈後用補中益氣湯  
六味地黃丸補脾肺滋腎水而瘡口愈 一儒者小

便赤澀勞則足軟腫痛發熱口乾舌燥食少體倦日  
晡益甚此氣血虛而未能潰也遂用八珍加麥門山  
藥倍用製甘草數劑諸證悉退但患處腫痛此膿內  
燉也又五劑膿自涌出又五十餘劑而瘡口將完又  
因勞役且停藥寒熱作渴腫痛膿多用補中益氣湯  
加炒山梔二劑少愈又以八珍湯加麥門五味百餘  
劑腫痛悉去喜其慎起居節飲食常服補劑而安但  
勞則出膿一二滴後惑於他言內用降火外用追蝕  
必其收斂致患處大潰幾至不起仍補而瘡  
甘草膏 治水穀道前後生癰謂之懸癰乃肛門前

陰囊後生核子如橄欖樣或如梅李狀初不作痛至旬月漸熟不早治瘡潰膿血出日數益至有腸腐而大便從瘡口出者其苦不可言近亦數月遠至一二年亦愈須是作核未痛以前治之不過一二服便自消此病初發如松子大漸如蓮子數十日後始覺赤腫如桃李即破若破則難治服此藥雖不能急消過二十餘日必消盡矣投兩服亦無害林院判康朝嘗患此疾已破服此藥兩服瘡即合甚妙

右用粉草半斤內用無節者四兩如箒子樣劈破

取泉石間長流水以甘草入水中浸透以炭火將甘草蘸水焙炙以一盃水盡為度不可急性劈開却將所炙甘草另用泉水三盞無灰好酒五盞用瓦罐煎至三之一如膏一起服之立愈另用有節甘艸四兩仍用泉水隨罐大小煎湯漉洗患處三遍其効如神水冷再溫洗

丹騎馬癰用大粉草帶節四兩長流水壹盃以粹浸水盡為末入皂角灰少許作四服湯調頓服立効薛大抵此證屬陰虛故不足之人多患之寒涼之劑不可過用恐傷胃氣惟製甘草一藥不損氣血

不動臟腑其功甚捷

加味小柴胡湯 方見前

清心蓮子飲 治懸癰勢退惟小便赤澀

黃芩 伍錢 黃芪 蜜炙 石蓮肉 去心

人參 赤茯苓 各半 車前子 炒

麥門冬 去心 甘艸 炙 地骨皮

製甘草 法見前

每服壹兩用水貳鍾煎至捌分食前服 如發熱

加柴胡薄荷

加味托裏散 治懸癰不消不潰

人參 黃芪 鹽水 當歸 酒拌

川芎 麥門冬 去心 知母 酒拌

黃蘗 酒拌 芍藥 炒 金銀花

柴胡 製甘草 法見前

作一劑用水貳鍾煎前捌分食前服

加味十全大補湯 治懸癰潰而不斂或發熱飲食

少思

人參 黃芪 鹽水 白朮 炒

茯苓 熟地黃 酒拌中 當歸 酒拌

川芎 芍藥 炒 各壹錢 肉桂

麥門冬去心 五味子搗炒 甘草炒各伍分

作一劑用水貳鍾煎壹鍾食前服 莖腫加青皮

熱加黃芩柴胡 日晡熱加柴胡地骨皮 小

便赤加酒製知母黃蘗 小便澀加車前子山梔

子俱炒

雞內金散 治穀道邊生瘡久不愈者

雞胗脰不拘多少即雞腸內去下黃皮

右件燒灰存性研為極細末每用少許乾貼之如

神

治穀道中瘡 以水中荇葉細搗綿裹內下部日三

治肛内生癰腫痛方

蜈蚣 穿山甲蛤粉 血餘

帶血管鷲毛 生鹿角

已上各藥俱煨存性研細等分和勻每服伍錢空

心好酒下

夕禾四  
八三

股部十五

○股陰疽 與附骨疽參看

靈樞云發於股陰名曰赤施不急治六十日死在兩  
股之內不治十日死 鬼遺云陰疽發腿髀及陰股  
始發腰強數飲不能多七日發堅腫脹惡疼心煩躁  
死不治

上馬  
下馬

或問太股之內陰囊之側生毒何如曰在左為上馬  
癰在右名下馬癰在肚門傍名肚門癰俱屬足太陽  
經濕熱七情不和憂憤所致宜服內補黃芪湯內托  
羌活湯十全大補湯選用勝金丹紫金丹壯實者一

股部

小科四

八三

粒金丹入陣散下之嘔吐不食麻木黑陷膨脹六脉  
微或代冷汗不止煩躁狂妄小水不利泄瀉者不治  
未潰之先宜服臺閣紫微丸按足三陽之脉在外  
皆曰髀足三陰之脉在內皆曰股今日大股之內陰  
囊之側則屬三陰經而厥陰為多明矣乃以為足太  
陽不亦謬乎一人腿內側怠癱未作膿而腫痛以  
內托黃芪柴胡湯二劑稍愈又一劑而消一人腿  
內患癰漫腫作痛四肢厥咽龍寒發寒熱諸治不應  
乃邪鬱經絡而然也用五香連翹湯一劑諸證少退  
又服大便行二次諸證悉退而愈一人年二十餘

股內患毒日久欲求內消診脉滑數知膿已成因氣  
血虛不潰刺之膿出作痛用八珍湯稍可但膿水清  
稀用十全大補湯三十餘劑而痊蓋膿出反痛者虛  
也一僧股內患腫一塊不痛不潰治托裏二十餘  
劑膿成刺之作痛予謂腫而潰潰而反痛此氣血虛  
甚也宜峻補之彼云氣無補法予曰正氣不足不可  
不補補之則氣化而痛自除遂以參芪歸朮熟芩治  
之兩月餘而平夫抵瘡瘍先發為腫氣血鬱積蒸  
肉為膿故多痛膿潰之後腫潰肌寬痛必漸減而痛  
愈盛者氣血不足也即舟溪河間虛甚之說

○股陽疽

靈樞云發於股陽名曰股陽疽其狀不甚變色癰腫內薄於骨不急治二十日死矣

或問腿外側髁下五六寸生疽何如曰此名伏兔發寒熱大作疼痛徹心焮腫無頭是也屬足陽明胃經先賢謂不治之證早覺早治為上急隔蒜灸灸而炮起者可治無炮者難治服活命飲加牛膝木瓜漢防已紫金丹勝金丹汗之壯實者八陣散一粒金丹下之  
一人股外側患癰漫腫大痛以內托黃芪湯酒煎一劑少可更以托裏數劑潰之而愈  
一人年踰

二十稟弱左腿外側患毒三月方潰膿水清稀肌肉不生以十全大補湯加牛膝二十餘劑漸愈更以豆豉餅灸月餘而痊  
一婦腿癰久而不愈瘡口紫陷膿水清稀予以為虛彼不信乃服攻毒之劑虛證蜂起復求治灸以附子餅服十全大補湯百餘貼而愈  
一人腿癰內潰針之膿出四五椀許惡寒畏食脈診如絲此陽氣微也以四君子加炮附子畏寒少止又四劑而止以六君子加桂數劑飲食頗進乃以十全大補及灸附子餅兩月愈  
一老腿癰膿自潰忽發昏瞶脈細而微此氣血虛極也以大補之劑而甦



一人腿癱兼筋攣痛脈弦緊用五積散加黃檗柴胡蒼朮而痊  
 婦左腿痛不能伸脈弦緊按則澹以五積散二劑痛少止又二劑而止以神應養真而愈  
脈弦緊澹屬寒故用五積散辛熱以散之 一人右腿赤腫焮痛脈沉數用當歸拈痛湯四肢反痛乃濕毒壅遏又況下部藥力難達非藥不對證遂破患處去毒血仍用前藥一劑頓減又四劑而消  
 一人年踰五十冬患腿癱脈數煩躁飲冷便秘腫痛焮甚此熱淫于內也宜用苦寒之藥投清涼飲倍加黃芩其勢頓退更以四物湯加黃芩而愈  
 一人年三十連得憂患作勞好色

左腿外側廉紅腫如栗醫以太府實與承氣兩貼下之又一醫與大黃朱砂血竭三貼而脈太實後果死此厥陰多氣少血經也  
 一人腿癱膿成針之出膿二椀許飲托裏藥一劑大發熱更用聖愈湯二劑而止翌日惡寒不食脈細如絲以人參壹兩熟附叁片薑棗煎服而愈但食少不寐更以內補黃芪湯而平  
 一人腿腫發熱惡寒以補中益氣湯治之彼以為緩乃服芩連等藥熱愈盛復請予治以人參養榮湯二十餘劑而潰更以人參歸朮炙甘草肉桂月餘而斂  
 一人年踰三十左腿微腫痛日久肉色如故不

思飲食東垣云瘡瘍腫下而堅者發于筋骨此附骨  
疽也乃真氣虛濕氣襲于肉理而然蓋諸虛皆稟于  
胃食少則胃弱法當助胃壯氣以六君加藿香當歸  
數劑飲食漸進更以十全大補湯而愈一人遍身  
走痛兩月後在脚面結腫未幾腿股又患一塊肌輕  
診則浮重診浮緩此氣血不足腠理不密寒邪襲虛  
而然以加減小續命湯四劑及獨活寄生湯數劑疼  
痛頓去更以托裏藥倍加參芪歸朮百貼而愈南  
司馬王荆山腿腫作痛寒熱發渴飲食如常脉洪數  
而有力此足三陽經濕熱壅滯用檳蘇敗毒散一劑

而寒熱止再劑而腫痛消更用逍遙散而元氣復兩  
月後因怒腫痛如錐赤暈散漫用活命飲一劑而痛  
緩又用八珍湯加柴胡山梔丹皮而痛止復因勞役  
倦怠懶食腿重頭暈此脾胃氣虛而不能升舉也用  
補中益氣湯加蔓荊子而安一儒者兩腿腫痛肉  
色不變惡寒發熱飲食少思肢體倦怠此脾氣不足  
濕痰下注也以補中益氣加半夏茯苓芍藥二劑寒  
熱退而腫痛消又十餘劑脾胃壯而形體健一男  
子患此入房兩腿硬腫二便不通余謂腎開竅於二  
陰乃肝腎虧損也用六味丸料加車前子牛膝而二

便利用補中益氣湯而腫硬消喜其年少得生  
上舍內痛如錐肉色如故面黃懶食痛甚作嘔此痛  
傷胃也用六君子以壯其脾胃用十全大補以助其  
膿而針之更用前湯倍加參芪芎歸麥門五味遠志  
貝母而瘡斂 一男子因負重飲食失節胸間作痛  
誤認為瘡毒服大黃等藥右腿股腫肉色如故頭痛  
惡寒喘渴發熱脉洪大而無力此勞傷元氣藥損胃  
氣而然耳用補中益氣湯四劑又用十全大補湯數  
劑喜其年少而愈

○附骨疽

丹溪云環跳穴痛防生附骨疽以蒼朮佐黃蘗之辛  
行以青皮冬加桂枝夏加黃芩體虛加杜牛膝以生  
甘艸為使大料煎入生薑汁食前飲之痛甚者恐十  
數貼發不動少加麻黃一二貼又不動恐疽將成急  
掘地成坎以火煨紅沃以小便赤體坐其中以席圍  
下體使熱氣薰蒸滕理開氣血暢而愈 或問附骨  
疽何以別之曰凡患流注表未盡則餘毒附骨而為  
疽在股外屬足女陽陽明經在股內屬足厥陰足少  
陰經又云風濕折熱結而附骨成疽蓋骨者腎之  
餘腎虛則骨冷而遂附着於骨也骨冷則氣愈滯而

附骨疽  
股部  
小  
五

血愈積但能為腫不能為膿流注者傷寒之餘毒骨  
疽者流注之壞證也流注非傷寒之罪乃醫者表裏  
未盡也骨疽非流注之過乃庸醫涼藥之誤也又云  
久得厚味及醉後涉水或履冰霜雪寒入髀樞積痰  
瘀血相搏而成疽初時暫痛無時乍寒乍熱而無汗  
久則痛深入骨而不移處按之痛不止者是也初覺  
即隔蒜灸之以多為上宜勝金丹烏金散汗之壯實  
者一粒金丹下之或八陣散久則極陰生陽寒化為  
熱肉腐而成膿膿成則宜烙十全大補湯加牛膝木  
瓜補之有久潰毒結留連展轉經歲不已腐出朽骨

者骨雖出而不愈有終身之咎視其白膿清稀者碎  
骨初脫肉深難取膿白而稠者碎骨將出肉淺可取  
大抵久腐出骨不論強弱老幼必須補益使氣血和  
暢正氣漸復邪氣漸退自然收斂十全大補湯人參  
養榮湯在所當用未成膿者以冲和膏貼之蓋有獨  
活能動盪氣血也已潰者宜服何首烏散此藥能調  
和陰陽也薛附骨疽有因露卧風寒深襲於骨者  
有因形氣損傷不能起發者有因剋伐之劑虧損元  
氣不能發出者有因外敷寒藥血凝結於內者凡此  
皆宜灸熨患處解散毒氣補接陽氣溫補脾胃為主

若飲食如常先用仙方活命飲解毒散鬱隨用六君子湯補托榮氣其體倦食少但用前湯培養諸臟使邪不得勝正若膿已成即針之使毒不得內侵帶生用針亦無妨如火針亦不痛且使易斂其隔蒜灸能解毒行氣葱熨法能助陽氣行壅滯此雖不見於方書余常用之大効其功不能盡述唯氣血虛脫者不應 一女髀樞穴生附骨疽在外側廉少陽經分始末用五香湯十宣散一日惡寒發熱膈滿猶大服五香湯一夕喘死此升散太過孤陽發熱于上也 一人年踰四十夏患附骨癰予以火針刺去瘀血更

服托裏藥而愈至秋忽不飲食痰氣壅盛勞則口舌生瘡服寒藥腹痛彼疑為瘡脾胃脉輕取似大按之無力此真氣不足虛火炎上也治以八味丸彼不信自服二陳四物湯幾始復請予仍以前丸治之而愈 一人附骨癰畏針不開醫膝通潰脉數發渴煩躁時嗽飲食少思齊氏曰瘡瘍煩躁時嗽腹痛渴甚或泄利無度或小便如淋此惡證也膿出之後若肌洪數難治微瀝遲緩易治刺之膿出四五椀即服參芪歸朮大劑翌日脉稍斂更服八珍湯加五味子麥門肉桂白斂二十餘貼脉緩膿稠三月乃愈 一老腿

患附骨疽腫硬大按方痛口乾脉弱腫聚不潰飲食少思予謂腫下而堅者發於筋骨肉色不變者發於骨髓遂托以參芪等藥三十餘劑膿雖熟不穿予謂藥力難達必須針刺不聽至旬日方刺涌出清膿五六碗然衰老氣血不足養毒又久竟不救大抵瘡疽旬日不退宜托之有膿刺之有腐肉取之虛則補之此十全之功也一人患貼骨疽腿細短軟瘡口不合以十全大補湯外灸附子餅貼補藥膏調護得宜百貼而愈一人環跳穴患附骨疽彼謂小瘡服敗毒藥外以寒藥敷貼因痛極針之膿瘀大泄方知

為癰請治其脉右關浮大此胃氣已傷故瘡口開張肉紫下陷捫之不熱彼謂瘡內更覺微冷自謂必成漏矣灸以豆豉餅飲六君子加藿香砂仁炮薑數劑胃氣漸醒飲食漸進患處漸暖肌肉漸生更以十全大補湯而愈一人亦患此肉痛如錐外色不變勢不可消喜其未用寒劑祇因痛傷胃氣而不思食以前藥去炮薑治之飲食稍進更以十全大補湯二十餘劑膿成針去仍以十全大補湯倍加參芪等歸膿久不止更加麥門五味貝母遠志數服漸止瘡亦尋愈一證蓋因濕熱滯于肉理真氣不能運化其始宜除

濕熱實脾土和氣血則濕自消散若膿未成以隔蒜灸之立效 一婦四十餘近環跳生疽尺脉沉緊腿不能伸經曰脾移寒於肝癰腫筋攣蓋脾主肉肝主筋肉溫則筋舒肉冷則筋急遂與乳香定痛丸少愈更以助胃壯氣血藥二十餘劑而消 一人因痢驟澁環跳穴作痛與四物湯加杏仁酒黃芩紅花蒼朮枳殼黃蘗柴胡青皮生薑十餘劑稍可更刺委中出黑血而愈 一後生散骨痛以風藥飲酒一年予以防風通聖散去硝黃加生犀角浮萍百餘貼成一疽近皮革膿出而愈後五六年其處再痛予曰舊病作

無能為矣蓋發於新娶之後多得香辣肉味若能茹淡遠房勞猶可生也出膿血四五年延及腰背皆空又三年而死此純乎病熱者 一少年天寒極勞散骨痛兩月後生疽深入骨邊卧一年取刺骨而安此寒搏熱者也 取久疽及痔漏中朽骨用烏骨雞脛骨毒去泥用骨研細飯花如粟米大以紙燃送入竅內更以膏貼之 萬曆乙亥余方閉關作舉子業適姻家虞懋菴股內側痛久矣醫作痛風治月餘不效膿熟肉厚不得穿穴出因潰入腹精神昏憤粥藥不入醫不能措手請教於余余特破例為診之脉細如蛛絲氣息奄奄欲絕曰無傷也可

以鉞針刺其腹膿大泄數升然皆清如水瘡口若蟹吐沫醫疑其透膜不可治余曰無傷也可以參芪附子加厥陰引經藥大劑飲之為製八味丸食前輒吞百丸食大進日噉飯升餘肉數鬻旬日而平所以知可治者潰瘍之脈洪實者死微細者生今脈微細形病相合知其受補故云可治也所以刺其腹者膿不洩必有內攻之患且按之而知其創深即刺之無苦也所以信其不透膜即透膜無損者無惡候也所以服八味丸者八味丸補腎腎氣旺而上升則胃口開而納食故食大進也洩膿既多刀圭之藥其何能濟

遷延遲久且變生故進開胃之藥使多食梁肉以補之肌乃速生此治潰瘍之大法也

因

黃狗下頰方

治肚癰少腹癰及腿上貼骨癰神效

又云可治發背太抵此方治下部癰疽妙

用黃狗下頰連舌連皮毛劈下入罐鹽泥封固鐵

蓋蓋口煨一炷香覺烟清即止務宜存性不可過

過則無用矣視其骨灰正黑色者為妙若帶白色

其性已過勿用用時研極細末白欬末 豌豆粉俗名水

名小寒右三味等分以各伍錢為率酒調空腹

服外又以三味等分為數藥香油調傳患處其驗

殺部

小斗四

九十四



以服藥後出臭汗及熟睡為準史鶴亭太史親見  
 顧天宇室人驗過宜於屠家取已殺者製以備用若生取特殺反招不補  
 按此方世多用之萬氏家抄亦已收載然但知其  
 可為敷藥散腫止痛而不知其可以內服為下部  
 癰疽內消之聖藥也予有轎夫環跳穴痛甚如鷄  
 啄火灼適製有藥以酒調參錢飲之未逾更進一  
 服霍然如失明日昇轎如故了無苦矣  
 三生散 治諸瘡大痛不辨肉色漫腫光色名附骨  
 癰如神

露蜂房

蛇退

頭髮洗淨各等分

右燒灰存性研細酒下參錢  
 內托黃芪柴胡湯 治附骨癰

黃芪貳錢

柴胡

土瓜根酒洗各壹錢

羌活半錢

連翹壹錢參分

官桂

黃蘗

生地黃各貳分

當歸柒分半

右咬咀作一服水參盞酒壹盞同煎至壹盞去滓  
 熱服宿食消盡服一服而愈昔賈德茂年十歲  
 丁未四月十一日於左腿近膝股內出附骨癰不  
 辨肉色漫腫皮澤木硬瘡勢甚大其左脚乃肝之  
 脾土也更在足厥陰肝經之分少侵足太陰脾經

股部

外科四

九五

之分其脉左三部細而弦按之緩而微有力為製  
此方主治一方無黃蘗  
內托黃芪酒煎湯

黃芪

當歸尾 各貳錢

柴胡 壹錢半

升麻 柒分

連翹

肉桂

黍粘子 炒各壹錢

黃蘗

炙甘草 各半錢

右吹咀好糯米酒壹盞半水壹大盞半同煎至壹  
大盞去滓空心宿食消盡温服待少時早膳壓之  
使不令大熱上攻中上二焦也下未季春蒲度主  
老年七十因寒濕地氣得附骨疽于左腿外側足

少陽膽經之分微侵足陽明分闊六七寸長一尺  
堅硬漫腫不辨肉色皮澤深但行步作痛以指按  
至骨大痛與藥一服立止再服堅硬腫消

當歸散

治附骨癰及一切惡瘡

當歸 半兩

甘草 壹兩

山梔子 拾貳枚

木鼈子 壹枚 去殼

右為細末每服參錢冷酒調服

漏蘆湯 治附骨疽

漏蘆 去蘆

升麻

連翹

麻黃 去根節 各壹兩

防已

木香

附骨疽

九十六

服部  
外系四

白斂 沉香 各半兩 大黃 剉炒 壹兩半

右剉碎每服伍錢水壹盞半入竹葉柴片煎至柒分入芒硝壹錢攪勻去滓空心温服取利三十行未利再服

應痛丸 治走注疼痛疑是附骨疽者

蒼木 去皮 當歸 黑牽牛

草烏頭 炮各壹兩

右為細末醋糊為丸如小豆大每服叁拾丸空心醋湯下

外治 貫衆湯 治附骨癰生股上伏肉間淋瀝

貫衆 地骨皮 穀精州

枇杷葉 刷去毛 荆芥 去梗 蜀椒 去目并合口者已上

各壹兩

右搗篩以水叁升煮取貳升和滓淋瀝蘸布帛搗之

蜜陀僧散

蜜陀僧 自然銅 各半兩 杏仁 去皮尖雙仁 貳枚

右用苦竹筒壹枚入藥在內紙封筒口慢火煨候筒黃色取出研極細看瘡大小用藥以新汲水調勻用雞翎掃塗癰上其者不過二七日効

○腿遊風

或問腿股忽然赤腫何如曰此名腿遊風風熱相搏而然屬足太陽經宜砭出血服防風通聖散去白朮加黃蘗牛膝防已主之

○委中毒

或問一女年十四往來寒熱膝後臑內約紋中堅硬如石微紅微腫何如曰此名委中毒此穴在膝後摺紋中屬太陽膽經由臟腑積熱流入膀胱而發用八陣散下瘀血斗許而消若治之稍遲潰則筋縮必成廢疾

八膝部 十六

○鶴膝風

靈樞云發於膝名曰疵疽其狀大癰色不變寒熱而堅勿石石之者死須其柔乃石之者生堅如石者用生樟陸根擦諸癰疽之發於節而相應者不可治也發於陽者百日死發於陰者三十日死陽謂諸節之背陰謂諸節之腹或問兩膝腫痛股漸小何如曰此名鶴膝風一名鼓椎風起於中濕或因痢後脚弱緩痛不能行履名曰痢風或傷寒餘毒不能發散風寒濕氣結於經絡血脉不流以致筋愈縮而股愈瘦屬足

膝部 鶴膝風 小引四

少陽足陽明經宜用玉龍膏酒調敷腿上以住痛回  
陽又宜冲和膏塗足趾以引氣行血服大防風湯追  
風丸倍加乳香以住痛舒筋亦宜隔蒜灸之或問  
膝上腫痛何如曰此非一端要須明辨若兩膝內外  
皆腫痛如虎咬之狀寒熱間作股漸細小膝愈腫大  
名鶴膝風急隔蒜灸服大防風湯但一膝痛引上下  
不甚腫而微紅名膝遊風宜服聖授丹換骨丹防風  
通聖散加牛膝木瓜但膝之兩傍腫痛增寒壯熱晝  
夜偏劇腫處手不可近為膝眼毒膝蓋上腫痛者為  
膝癰此二證宜服勝金丹或紫金丹八陣散活命飲

加牛膝 薛鶴膝風乃調攝失宜虧損足三陰經風  
邪乘虛而入以致肌肉且瘦內熱減食肢體攣痛又  
則膝大而腿細如鶴之膝故名之若傷於脾胃者補  
中益氣湯為主傷於肝腎者六味丸為主若欲其作  
膿或潰後十全大補湯為主皆佐以太防風湯初起  
須用蔥熨可以內消若津涸口乾中氣不足也補中  
益氣湯加五味子頭暈頭痛陽氣不升也補中益氣  
湯加蔓荊子發熱晡熱陰血虛弱也用四物參芪白  
朮畏寒憎寒陽氣虛弱也用十全大補湯飲食少思  
胸高膨脹脾胃虛痞也用四君子湯面色痿黃飲食

少思脾胃虛弱也用六君子湯膿水清稀肌肉不生  
氣血俱虛也用八珍湯熱來復去有時而動無根虛  
火也用十全大補湯形瘦嗜臥寢息發熱痰盛作渴  
小便頻數五臟虛損也用六味丸臍腹疼痛夜多漩  
溺脚膝無力頭暈吐痰腎氣冷敗也用八味丸發熱  
大渴不欲近衣面目赤色脉大而虛血虛發躁也用  
當歸補血湯或有痢後而患者亦治以前法餘當臨  
證制宜

痿表

鶴膝風又名鼓兩大小腿瘦如蘆柴止有膝蓋大者  
行履不得用小續命湯料內加草薢川練子獨活

乾木瓜咬咀不用生薑用水煎於碗底先放麝  
香少許去滓傾於碗內服之服至數十貼後加五  
積散同煎服永瘥一方用紫荆皮老酒煎候温  
常服

羅氏

蚘蚘丸 治鶴膝風腰膝風縮之疾

蚘蚘頭尾全者 桃仁生

白附子

阿魏 桂心

安息香桃仁

白芷 各壹兩 乳香

沒藥各柒錢半

用童便酒貳 北漏盧

當歸

升炒熟另處 牛膝

羌活

痿表 鶴膝風

地骨皮

威靈仙

各壹兩  
共為末

右煉蜜丸彈子大空心温酒化下壹丸胡楚望博  
上病風痺手足指節皆如桃李痛不可忍服之悉  
愈

丹溪治一丈人年七十患脚膝疼稍腫

生地黄

當歸頭

白芍藥

蒼朮

炒礞

川芎

桂各貳錢

木通

壹錢半

分四貼煎取小盞食前熱服

一男子年近三十滋味素厚性多焦怒秋間解樞左

右一點發痛延及於膝晝靜夜劇惡寒口或渴或不  
渴或痞或不痞醫多用風藥兼用補血至次年春其  
膝漸腫痛愈甚食漸減形瘦羸至春末膝腫如桃不  
可屈伸診其脉左弦大頗實寸澁甚大率皆數知其  
小便必數而短遂作飲食痰積在太陽陽明治之炒  
黃檗壹兩生甘草稍犀角屑蒼朮鹽炒各叁錢川芎  
貳錢陳皮牛膝木通芍藥各伍錢遇暄熱加條芩三  
錢為細末每叁錢重與生薑自然汁同研細多少以  
水盪起煎令沸帶熱食前飲之一晝夜四次與至半  
月後數脉漸減痛漸輕去犀角加牛膝敗龜板半兩

膝部 在膝風

百一

當歸半兩如前服又與半月腫漸減食漸進不惡寒  
唯脚膝痠軟未能久立久行去蒼朮黃芩時當夏熟  
加炒黃檗至壹兩半予依本方內加牛膝春夏用莖  
葉冬用根杵取汁用之効尤速須斷酒肉濕麵胡椒  
當仲夏加生地黃半兩冬加茱萸桂枝  
換骨丹 通治風兼治鶴膝風

防風 牛膝 當歸 虎骨酥炙各壹兩

枸杞貳兩半 羌活 獨活 敗龜板

秦艽 草薺 松節 蠶沙各壹兩

茄根洗貳兩 蒼朮肆兩

酒浸或酒糊丸皆可

脚筋急痛煮木瓜令爛研作粥漿樣用裹痛處冷即  
易一宿三五度熱裹便差煮木瓜時入一半酒煮之  
子和治嶺北李文卿病兩膝臃屈伸有聲剝剝然  
或以爲骨鳴戴人曰非也骨不戛皆能鳴此筋濕也  
濕則筋急緩者不鳴急者鳴也若用予之藥一涌一  
泄上下去其水則自無聲矣文卿從之既而果然  
州守張天澤左膝腫痛胸膈痞滿飲食少思時欲作  
嘔頭暈痰壅日晡益倦此脾肺氣虛用蔥熨法及六  
君加炮薑諸證頓退飲食少進用補中益氣加蔓荊

補虛

蔓荊 益氣 補中 益氣 加蔓荊



子頭自清爽間與大防風湯十餘劑又用補中益氣  
三十餘劑而消。通府劉國威先筋攣骨痛右膝漫  
腫用化痰消毒之劑腫痛益甚食少體倦加祛風消  
毒等藥寒熱作嘔大便不實用一陳除濕之類腫起  
色赤內痛如錐余診其脈滑數而無力此膿已成元  
氣虛而不能潰也用十全大補湯四劑佐以大防風  
湯一劑而潰又百餘劑而痊。一儒者腿筋弛長月  
餘兩膝腫痛此陰虛濕熱所乘也用六味丸為主佐  
以八珍湯加牛膝杜仲間以補中益氣湯三月餘而  
消。一男子腿痛膝腫脈浮按之弦緊此肝腎虛弱

也用大防風湯一劑已退彼惑於附子有毒乃服治  
瘡之藥日漸消瘦虛症漸至復求治余曰倦怠消瘦  
脾胃衰而不能營運也小便不禁膀胱虛而不能約  
制也燥熱虛痞胃氣弱而不能化也惚恍健忘精神  
失而憤亂也惡證蜂集余辭之後果歿。此症多患  
于不足之人故以加減小續命大防風一湯有效若  
用攻毒藥必悞。一婦膝腫痛遇寒痛益甚月餘不  
愈諸藥不應脈弦緊此寒邪深伏於內也用大防風  
湯與火龍丹治之而消。太抵此證雖云腫有淺深  
感有輕重其所受皆因真氣虛弱而邪得以深襲故

卷之四 霍亂風

附骨癰疽及鶴膝風證腎虛者多有之前人用附子者以溫補腎氣而又能行藥勢散寒邪也亦有體虛之人秋夏露卧為冷氣所襲寒熱伏結多成此證不能轉動乍熱而無汗按之痛應骨者是也若經久不消極陰生陽寒化為熱而潰也若被賊風所甚傷患處不甚熱而洒淅惡寒不時汗出熨之痛少止須大防風湯火龍膏治之又有攣曲偏枯堅硬如石謂之石疽若熱緩積不潰肉色赤紫皮肉俱爛名緩疽其始末皆宜服前湯欲其驅散寒邪以補虛托裡也

大防風湯 治足三陰經虧損外邪乘虛患鶴膝風

或附骨疽腫痛或腫而不痛不問已潰未潰用三五劑後更用調補之劑

附子 牛膝各壹錢 白朮 羌活

人參 防風各貳錢 川芎壹錢半 辣桂

黃芪 白芍藥 杜仲 熟地黄

甘草炙各伍分 右水煎服

還少丹 治足三陰經虛損患膝風等證又補脾胃進飲食之良劑也

肉苁蓉酒浸去甲 遠志甘草湯泡去骨

懷香炒 巴戟去心 枸杞子 山藥

凡部  
外和四  
百四

牛膝 石菖蒲 杜仲 熟地黃 為膏

五味子 白茯苓 楮實子 山茱萸 肉各等分

右為末用紅棗肉同蜜為丸梧子大每服米拾丸  
溫酒下每日二服白湯亦可

經進地仙丹 換骨丹 二方並見 雜病五卷

**針灸**

素寒膝伸不屈治其捷 骨空論下同經云輔骨上橫骨下股外之中側立搖動取之筋動應手滑壽云捷骨之下為解樞蓋捷即兩骨相接處為捷也

坐而膝痛治其機 相經云俠髓為機王注云髓骨兩傍骨為機機後為醫立而暑解治其骸關王注云暑熱也若膝痛起立而膝骨解中熱者治其骸關經云起而引膝骨解之中也滑壽云俠膝解中為髓

立而暑解治其骸關 王注云暑熱也若膝痛起立而膝骨解中熱者治其骸關經云起而引膝骨解之中也滑壽云俠膝解中為髓

痛痛及拇指治其膈 經云輔上為膈王註云膈為膝解之後曲脚之中委中穴

坐而膝痛如物隱者治其關 經云膈上為關王注云立按之動搖筋應手

連脰若折治陽明中俞膠 王注云若膝痛不可屈伸連脰痛如折者則針陽明穴中俞膠

膝痛若別治巨陽少陽榮 王注云若痛者則治足太陽榮然谷穴也

淫瀦脛痠不能立久治少 王注云淫瀦謂

陽之維在外上五寸 似痠痛而無力也外踝上伍寸

右捷機骸關諸穴更參訂之

靈膝中痛取犢鼻以員利針之發而間之針大如釐

木 崔漢風 小斗三 百五

刺膝無疑

雜病篇

玉鶴膝風腫及腿痛

髌骨

在膝蓋骨上一寸梁上

分留之

膝關

在膝蓋骨下續鼻內傍橫針透膝

集又法

膝關

在續鼻外傍禁炙留八呼寫之

穴 陽陵泉

山皖

豐隆

三里

取下

通膝腫

行間

撮要陽陵泉

橫透陰陵泉補生瀉成

陰陵泉

橫透陽陵泉補生瀉成

膝關

法見前

世脚拘痛

委中

出血

桑脚膝痛筋急

風池

三間

三陰交

三里

八脛部

○脛疽

靈樞曰發於脛名曰兔齧其狀如赤豆至骨急治之  
不急治害人也不急治害人

○脛陰癰

或問足小肚內側微紅微腫堅硬如石三四寸許痛  
楚難禁何如曰此名黃鯁癰屬足太陰與足厥陰二  
經濕熱又積憤所致宜服五香湯流氣飲加牛膝木  
瓜防己黃蘗壯實者一粒金丹下之或萬病解毒丹  
不足者十全大補湯加牛膝木瓜若過時潰出清水

經

小

百六

虛火上升嘔吐不食者不治

○三里發

鬼遺云三里兩處起癰疽初發如牛眼睛青黑便五  
七日破穴出黑血汁膿腫攻膀胱連腿裏拘急冷疼  
此因傷筋氣勞力所成宜用湯藥注射其外毒自平  
息矣

○接骨發

鬼遺云兩脚接骨近上膀胱下一處起丹疽如胡桃  
大硬如物打磕之狀不苦疼但腫急脹慮其損筋亦  
須早出膿毒可保平安也

○騙馬墜

鬼遺云垂珠左右兩處起癰為騙馬墜初起大小不  
定此處微實皮肉薄紋緊口亦難合瘡初起宜以消  
散藥貼令內消此處亦易成漏瘡唯宜消散之硬即  
恐緩慢難為功矣又云交膈一處近稜線上亦為騙  
馬墜防漏俗名跨馬  
癰是也

○青蛇便

或問足肚之下結塊長二三寸許寒熱大作飲食不  
進何如曰此名青蛇便屬足少陰與足太陽經由腎  
經虛損濕熱下注所致頭向上者難治頭向下者刺

出惡血服活命飲加木瓜牛膝黃蘗或烏金散紫金丹選用老弱之人嘔吐腹脹神昏脉躁者死

青蛇便生小膀胱上下頭生望上攻走入腹者不可治頭生向下尾在上即為順可治也急服二十六味托裏散外用神方鐵箍散薑汁陳醋豬膽同調敷之上望下趕蛇頭上用三稜針針入二寸出黑紫血出針急下保生散用紙拭蘸藥送入

○瓜藤纏

或問足股生核數枚腫痛久之潰爛不已何如曰此名瓜藤纏屬足太陽經由臟腑濕熱流注下部所致

用防風通聖散加檳榔牛膝防已主之

○濕毒流注

或問足脛之間生瘡狀如牛眼或紫或黑膿水淋漓止處即潰爛久而不斂何如曰此名濕毒流注暴風疾雨寒濕暑氣侵入腠理而成宜服防風通聖散加木瓜牛膝防已之類或當歸拈痛湯加牛膝

○下注瘡

或問脚膝間膿水不絕連年不愈何如曰此名下注瘡亦名濕毒瘡因脾胃濕熱下注以致肌肉不仁而成瘡也在外屬足太陽少陽經在內屬足厥陰足太

陰經宜服防風通聖散加木瓜防已牛膝之類外用祛風等湯藥洗製女貞葉貼之

○內踝疽

靈樞云發於內踝名曰走緩其狀癰色不變數石其輸而止其寒熱不死 或問足內生疽何如曰此名鞋帶癰由寒濕滯於足陽明與足厥陰肝經血滯氣阻所致初宜隔蒜灸之服流氣飲加牛膝木瓜防已壯實者一粒金丹下之老弱者十全大補湯內托黃芪柴胡湯主之

○外踝疽

或問足外踝生疽何如曰此名脚拐毒屬少陽膽經足太陽膀胱經濕熱下注宜服內托羌活湯黃連消毒散內托復煎散選用勝金丹烏金散紫金丹皆可

○多骨疽 別見

或問足脛生疽既潰甚久而不愈腐爛出骨者何如曰此名多骨疽亦名剩骨又名朽骨蓋因毒氣壅盛結成此骨非正骨也宜服勝金丹十全大補湯加牛膝防已紫金丹烏金散人參養榮湯加木瓜牛膝防已相間服此疽因未潰之前補劑太過故結毒而不

散耳宜授仙紙黃龍膏貼之

○腓膈發

或問足小肚生疽寒熱煩躁何如曰此名腓膈發疽屬足少陰腎經由腎水不足積熱所致古方云不治宜活命飲加牛膝木瓜黃蘗老弱者八珍湯加牛膝壯實者一粒金丹下之涉虛者難治以腎氣丸十全大補湯主之潰出血膿者生潰出清水者死

○賺瘡

鬼遺云兩曲腓膈肚下內外兩踝前有廉刃兩邊為裏外廉上結癰腫此處近骨難瘥宜用收毒散外貼

四畔中心卽用活血肉藥貼無害 或問足內外賺生瘡連年不已何如曰此由濕熱下注瘀血凝滯於經絡以致肌肉紫黑痒痛不時女人名為裙風禱口瘡卽賺瘡也最難克効蓋以裙扇地風濕盛故也宜服獨活寄生湯防風通聖散加牛膝木瓜防已外用隔紙膏或製女貞葉貼之 薛賺瘡生於兩賺初起赤腫久而腐潰或浸淫搔痒破而膿水淋漓蓋因飲食起居虧損肝腎或因陰火下流外邪相搏而致外賺屬足三陽濕熱可治內賺屬足三陰虛熱難治若初起惡寒壯熱腫焮作痛者屬濕熱用檜蘇敗毒散



若漫腫作痛或不腫不痛者屬陰虛用補陰八珍湯  
若膿水淋漓體倦食少內熱口乾者屬脾虛用補中  
益氣加茯苓酒炒白芍藥若午後熱或作痛頭目不  
清者屬陰火前湯加酒炒黑黃蘗及六味地黄丸若  
午後發熱至子時分方止是血虛前湯加芍歸熟地  
若鬱結傷脾而甚用歸脾湯加柴胡山梔若怒動肝  
火而甚用補中益氣湯加川芎山梔黃芩內熱口乾  
肢體倦怠或痰涎上升或口舌生瘡屬脾腎虛熱用  
六味地黄丸補中益氣湯若患處黑黯肢體畏寒飲  
食少思或脾腎虛敗用八味丸若誤用攻伐復損胃

氣絕其化源治亦難矣 鴻臚程少溪兩膝生瘡漸  
至遍身發熱吐痰口燥咽乾盜汗心煩溺赤足熱日  
晡益甚形體日瘦此腎經虛火也用六味丸不月諸  
證悉退三月元氣平復 一男子左臙腫肉色如故  
寒熱惡心飲食少思此脾氣不足而為外邪所感也  
用六君加藿香桔梗川芎而寒熱止又用補中益氣  
湯而腫痛消 陸懋誠素因陰虛過飲入房發熱腿  
痛似廉瘡用發表之劑兩腿腫黯熱氣如霧欲發痙  
脈皆洪數兩尺尤大余曰屬足三陰虛酒濕所乘元  
氣損而邪益甚耳用十全大補加山藥山茱萸附子

一劑脉證頓退却去附子又一劑全愈 一男子先患兩膝後及遍身生瘡似疥非疥時或膿水淋漓兩腿為甚肢體倦怠作痒煩熱年餘不愈余作腎經虛火用加減八味丸而痊

二妙丸 治下焦濕瘡但是下焦有瘡皆可服 潛行散末蒼朮末各等分煉蜜為丸桐子大

海黃芪丸方局 治兩膝脚膝生瘡服此立安

川烏頭炮去皮臍 川棟子 地龍去土炒

藜香炒 杜蒺藜炒去刺 赤小豆

防風去蘆 黃芪剉各壹兩 烏藥

右為細末酒煮麵糊為丸如桐子大每服拾伍丸温酒下鹽湯亦得婦人醋湯下並空心服

治賺瘡極妙地骨皮壹斤黃檗皮貳兩剉為粗末用香油壹斤半煎瀉過藥油六七兩入淨松香貳拾兩黃丹貳兩同煎候黃丹微黑色却入輕粉柒角光粉貳角煎法皆如煎膏法用長條紙拖過掛乾用若瘡紫黑先用三稜針去惡血以冷水洗淨隨瘡大小剪膏藥掩上用絹帛紫緊俟一周時再換膏藥換時須用冷水洗瘡不過數換不問新久即愈須忌日氣火氣陽氣倘換膏藥再看如有黑腫未盡可再出血以

經水 燕窩 小十四 百十一

紫黑血盡為度

治賺瘡用糯米泔漱口過洗瘡拭乾却以地骨皮為細末蜜調傳瘡上又以油紙縛之

丹治賺瘡

白膠香

黃礬

軟石膏五研各壹兩

青黛

龍骨各半兩

右為細末以香油調傳患處

又方用羯羊屎貳分石膏壹分赤石脂半分為細末香油和之舊黑油傘紙作隔膏縛之除根

羅翠玉膏治賺瘡

瀝青壹兩

黃蠟

銅綠各貳錢

沒藥

乳香各壹錢

右件先將銅綠為細末入香油調勻又將黃蠟瀝青火上溶開次下油銅綠火上攪勻將沒藥等二味旋旋入攪勻用河水壹碗將藥傾在內用手扯拔勻油紙裹看瘡大小分大小塊口嚼捻成餅子貼於瘡上紙封三日易之

丹賺瘡用砂糖水煮冬青葉三五沸撈起石壓乾將葉貼在瘡口上一日換二遍脚痛成瘡水蓼煎湯洗瘡候乾自安

山廉瘡用韭汁洗淨拭乾剉虎骨傳上

乳香散郭氏治諸疔浸蝕日久不愈下注廉瘡內外

踝生瘡頑瘡等證

枯礬

白膠香

赤石脂各半

黃丹

乳香

沒藥各叁錢

輕粉貳錢

右為細末加麝此小如瘡濕乾上乾則香油調敷

輕粉散郭氏治下注疔瘡蝕臭腐爛疼痛不可忍者

黃礬蜜炙

蜜陀僧

黃丹

高末茶

乳香各叁錢

輕粉壹錢半

麝香少許

治廉瘡方  
右為末用葱湯洗瘡次貼此藥兼治小兒疔瘡

鼠糞

苦參

桃枝

杉樹刺

柳枝

松枝

麪醬

雞子殼

皂角

雀糞

芍藥

木綿子

芝麻

桑枝

蛇殼

鍋底煤

杜當歸鬚各肆錢

松明不拘

右為細末先將松明搥碎和諸藥於瓦銚中掘一  
地坑將藥銚安坑中四圍用火熬鎔取出再研令

治廉瘡

隔紙膏 治內外廉瘡  
勻傳瘡自然痊可忌一切發氣熱物

當歸 白芷 黃連 五倍子

雄黃 沒藥 血竭 海螵蛸

白芨 白欵 黃檗 厚朴已上各半兩

黃丹陸錢 乳香研貳錢半 輕粉壹錢

右為細末研勻用清油調成膏用油紙貼藥傳瘡  
上絹帛縛定有膿水解開刮去不潔再貼藥如此  
數次即愈須先用燒鹽湯洗淨片帛拭乾待片時  
水氣乾然後貼藥

治廉瘡久不愈

龍骨貳錢半 輕粉少許 檳榔半兩 乳香

沒藥各壹錢 乾豬糞半兩燒存性

右為細末先以燒鹽湯洗瘡以軟絹帛拭乾清油  
調傳瘡濕則乾摻之

治廉瘡下注

白石脂 龍骨各半兩 白礬壹兩 五倍子貳兩燒存性

黃丹飛錢 雄黃少許

右為細末先將葱鹽湯洗瘡見赤肉然後將前藥  
傳瘡上用藥如法厚者却用帛子包縛著不要動

經下 廉瘡 小半口 百十五

直候乾自脫去瘡皮

治廉瘡

黃丹

輕粉

白芨

樟腦

敗船灰

各等分

右研細末以桐油調成膏攤在油紙袋內先煎溫葱湯洗淨以帛拭乾將藥置瘡上紮住用了一面番轉如前洗貼一方無輕粉若用糞船灰亦妙

治廉瘡方

詹武子年三十時曾患此用之屢効

白芨

白欵

黃檗

黃丹

另研各等分

右為極細末入輕粉此少研勻以煉蜜和成劑捏

作餅貼瘡上深者填滿以帛片包紮一日一換後來瘡漸乾或有裂處只須乾摻以瘡為度

治血注脚

桑樹菰

牛屎菰

又名石灰菰生地上如有一石成塊者碎其中有灰起

肥株樹菰

胎髮

男用男髮女用女髮

右將三菰焙乾各伍錢胎髮燒灰存性參錢並為細末研勻濕則乾摻乾則清麻油調塗

治廉瘡方

冬青葉

臘豬膽

百草霜

貳味和勻

右將冬青葉與本人嚼爛先以葱椒湯洗淨瘡口

經部 瘡

小疔口

百一六

以膽霜傳後却傳膏葉在上三四次即可

奇妙梔子散 治遠年日久內外腫瘡

山梔子 不拘多少燒作

乳香 另研各半錢

輕粉 少許

右研勻以磁器盛每用時先以蔥白花椒煎湯洗淨瘡稍歇再以溫漿水又洗一次候惡水去盡再將白水煎百沸候溫再洗但瘡口無膿水血絲清水各盡又用粉帛片拭乾然後傳藥如乾者香油調傳濕者乾摻但將瘡口實滿軟絹帛護之堅硬不作膿者未可用腫如軟有膿者依前法再洗後

傳貼之三四次即愈乃一藥二洗之功也

治腫瘡方 先以蔥白漿水熬湯洗淨瘡口拭乾徐

以輕粉末摻上瘡口却用五靈脂黃藥各等分碾

細末凉水調敷瘡上紙蓋定三五次即平復

風

腎臟風屬腎虛風邪乘於膝脛以致皮膚如癬或漸延上腿久則延及遍身外證則搔痒成瘡膿水淋漓眼目昏花內證則口燥舌乾腰腿倦怠吐痰發熱盜汗體疲治法用六味丸為主佐以四生散若脾胃虛弱者用補中益氣為主佐以六味丸四生散為善欽夫薛循齋六十有一兩膝患之膿水淋漓發熱吐

經下 腫瘡

痰四年矣此腎臟風證也與六味丸四生散而差年  
餘復作延及遍身日晡益甚痰渴盜汗唇舌生瘡兩  
目昏赤皆腎經虛火而水汎為痰用加減八味丸而  
愈三年後小便淋漓莖中瀝痛此思色精不出而內  
敗也用前丸及補中益氣湯加麥門五味而愈  
治男子兩足瘙痒生瘡連年累月俗為腎風瘡宜服  
此藥

黃芪

牛膝

羌活

獨活

川芎

防風

木香

白附子

白蒺藜

各半兩

各貳錢半

壹兩去刺

右為細末煉蜜和丸如梧子大每服參拾九空心  
鹽湯送下仍以後方藥傳之

檳榔

木香

防風

白芷

白芨

龍骨

麝香

蛇退

臍粉

壹字

壹條

拾伍筒

右為細末研勻先以鱈魚壹條槌碎百部壹兩切  
碎南椒叁銖油壹兩煎令得所去藥只以油搽瘡  
口却傅末藥上以油紙裹之三白一換每上藥時  
先用柳枝甘草煎湯洗瘡淨拭乾傅藥

驢蹄散

治腎臟風毒下注生瘡

經印

小斗

八



驢蹄貳拾片 燒灰 蜜陀僧貳錢 半研 輕粉壹錢 七 麝香半錢 七

右研細末以帛拭去膿用些少乾搽日三四次瘡

○風疽

凡脚脰及曲脰中癢搔則黃汁出名風疽治之方

以青竹筒壹枚徑壹寸半長叁尺當中著大豆壹升以糠馬屎二物燒為火當竹筒中燒之以器承兩頭取汁先以泔清和鹽熟洗瘡了即塗言汗不過三度極効

又方 嚼胡麻傳以綿裹之日一易神良

防風湯 治風毒中人留血脉不散與榮衛相搏結

成風疽身體煩熱昏冒腫痛

防風 去義

柴胡 去苗

白芷

木通 剉

當歸 切焙

羌活 去蘆

麻黃 去根節煎

附子 炮去皮臍

桔梗 炒

甘草 炙各壹兩

右剉如麻豆大每服伍錢水壹盞半煎至捌分去滓食後臨卧各一服如欲出汗空心併兩服後以熱薑稀粥投蓋覆取汗慎外風

海桐皮散浸酒方 治熱毒風結成疽腫痛不得安

經部 腫瘡 小半口

海桐皮

五加皮

獨活

去蘆

薏苡仁

炒

防風

去叉

乾蝎

炒

杜仲

去粗皮

牛膝

去苗酒浸各壹兩

生地黄

焙叁兩

右咬咀生絹囊貯以好酒壹斗伍升浸莖瓶中密封秋夏二日春冬七日取食前温酒叁合或肆伍合不拘時甚者常氣相續

八足部 十八

○脚發

靈樞云發於足上下名曰四淫其狀大癰不急治之百日死發於足傍名曰厲癰其狀不大初從小指發急治去之其狀黑者不可消輒益不治百日死薛脚發之證屬足三陰經精血虧損或足三陽經濕熱下注若色赤腫痛而潰膿者屬濕熱下注為可治若色微赤微腫而膿清者屬精血虧損為難治若黑黯不腫痛不潰膿煩熱作渴小便淋漓者陰敗未傳惡證也為不治其法濕熱下注者先用隔蒜灸活命

飲以解壅毒次服益氣湯六味丸以補精氣若色黯  
不痛者着肉灸桑枝灸以行壅滯助陽氣更用十全  
大補湯八味丸壯脾胃滋化源多有復生者若專治  
其瘡復傷元氣吾未見其生者 閣老靳介菴脚指  
縫作痒出水腫焮脚面敷止痒之藥不應服除濕之  
劑益甚余以為陰虛濕熱下注用六味地黃丸補中  
益氣湯愈 大叅李北溪左足赤腫作痛此足三陽  
經濕熱下注先用隔蒜灸活命飲一劑其痛頓止灸  
患處出水赤腫頓消次用托裏消毒散四劑灸患處  
出膿而愈 儒者楊舉元患此微腫痛微赤焮此足

三陰經陰虛濕熱下注用隔蒜灸托裏散而起發用  
十全大補湯而膿成又與加減八味丸料百劑而飲  
一儒者患此腫硬色白兩月餘矣此足三陰經虧  
損為外寒所侵用大防風湯及十全大補兼服而消  
後場屋不利飲食勞倦前症復作盜汗內熱飲食不  
化便滑肌瘦此脾土虛寒而命門火不能相生用八  
味丸益氣湯百餘劑喜其年壯得愈 一男子脚心  
發熱作渴引飲或用四物芩連黃檗知母葷腹痛作  
嘔煩熱太渴此足三陰虧損前藥復傷脾胃也先用  
六君加炮薑數劑而脾胃醒再用補中益氣加茯苓

足部 脾發 小斗 百七

半夏而脾胃健乃以加減八味丸兼服半載而愈  
一儒者脚心發熱作痒以滾湯浸漬潰而出水肌體  
骨立作渴吐痰此脾腎虛而水泛為痰也服益氣湯  
六味丸年餘元氣復而諸證愈 少宗伯顧東江面  
鰓作渴余曰此腎經虧損當滋化源以杜後患彼雖  
歿之而終不服次年九月內左足面患疽色黯不痛  
脚腿沉重用隔蒜灸三十餘壯足腿即輕瘡出血水  
數日而消瘡色仍黯時公將北行賀 萬壽余診之  
曰脾脉衰憊陽氣虛極不宜遠行公曰余得夢屢驗  
向夢羣仙待我此壽徵也至河間驛聚仙堂病篤歎

曰立齋豈能留我果卒於此亦異數也

○脫疽

靈樞云發於足指名曰脫癰其狀赤黑者死不治不  
赤黑者不死治之不衰急斬之否則死矣 鬼遺云  
癰疽發兩足指五日不死四日可刺其色發黑  
癰者不堪未過節者可治 足指生疔重者潰而自  
脫故曰脫疽或曰惟足大指患之為脫疽其餘足指  
患之曰敦疽易治惟脫疽難治 初發結毒焮赤腫  
痛者以五神散及以紫河車金線釣葫蘆金雞舌金  
腦香搗爛敷及以汁塗傳又以萬病解毒丸磨醋煖

足部 脫疽 小十四 卷五十一

塗之 未成焮痛者除濕攻毒更以隔蒜灸之至不  
痛用十二經消毒散加引經藥若腫勢盛未得緊急  
者宜作蛇傷治之及作瘡氣治之效 未成焮痛或  
不痛或大痛者宜隔蒜灸更用解毒以消毒萬全湯  
臨證加減 未成若色黑急割去速服補劑庶可救  
若黑涎上不可治 未成若色赤焮痛者托裏消毒  
更兼灸以人參敗毒散去桔梗加赤牛膝銀花白芷  
大黃痛止次以十宣散加天花粉金銀花赤牛膝  
未成欲成若色紫不痛隔蒜灸五十壯尚不知痛又  
明灸之 活命飲次以托裏散潰脫而愈 未成欲

成大痛色赤而腫隔蒜灸至痛止以加味荆芥敗毒  
散加赤牛膝銀花白芷大黃次以活命飲 薛脫疽  
因醇酒炙燂膏梁傷脾或房勞損腎故有先渴而後  
患者有先患而後渴者若色赤作痛自潰者可治色  
黑不潰者不治色赤作痛者元氣虛而濕毒壅盛也  
先用隔蒜灸活命飲托裏散再用十全大補湯加減  
八味丸色黯不痛者腎氣敗而虛火盛也隔蒜灸桑  
枝灸亦用十全大補湯加減八味丸則毒氣不致上  
浸元氣不致虧損庶可保生亦有因修手足口咬等  
傷而致者若元氣虛弱或犯房事外塗寒涼內服尅

伐損傷脾胃患處不潰若黑黯上延亦多致死重者  
須當以脚刀轉解周界輕拽去之則筋隨骨出而毒  
得洩亦不痛否則毒筋內斷雖去而仍潰且偏僻之  
處氣血罕到藥難導達况攻毒之劑先傷脾胃不若  
灸法為良重者須解去為善故孫真人云在肉則割  
在指則截蓋親之遺體雖不忍傷而遂至夭歿則尤  
傷矣况解法無痛患者知之 一人足指患此焮痛  
色赤發熱隔蒜灸之更以人參敗毒散去桔梗加金  
銀花白芷大黃一劑痛止又十宣散去桔梗官桂加  
天花粉數劑而平 一人年逾四十左足大指赤腫

焮痛此脾經積毒下注而然名曰脫疽喜色赤而腫  
以人參敗毒散去人參桔梗加金銀花白芷大黃一  
劑更以金銀花甘州節瓜萸四劑頓退再以十宣散  
去桔梗桂加金銀花防已數劑愈 一人患此色紫  
赤不痛隔蒜灸五十餘壯尚不痛又明灸百壯方知  
乃以敗毒散加金銀花白芷數劑而愈 一膏染年  
逾五十亦患此色紫黑脚焮痛孫真人曰脫疽之證  
急斬之去毒延腹必不治色黑不痛者亦不治喜其  
飲食如故動息自寧為瘡善證遂以連翹敗毒散六  
劑更以金銀花甘草節瓜萸二十餘劑患指潰脫更

以芎歸生芩連翹金銀花白芷二十餘劑而愈次年  
忽發渴服生津等藥愈甚服八味丸而止大抵此  
症皆由膏粱厚味或房勞太過丹石補藥所致其發  
于指微赤而痛可治治之不愈急斬去之庶可保否  
則不治色紫黑或發于脚背亦不治或先渴而後發  
或先發而後渴色紫赤不痛此精氣已竭決不可治  
一芻蕘左足指患一泡麻木色赤次日指黑五日  
連足黑冷不知疼痛脈沉細此脾胃受毒所致進飛  
龍奪命丹一服翌日令割去足上死黑肉割後骨始  
痛可救治以十全大補湯而愈蓋死肉乃毒氣盛拒

截榮氣所致况至陰之下血氣難達經云風淫末疾  
是也向若攻伐之則邪氣乘虛上侵必不救矣一  
人足指患之大痛色赤而腫隔蒜灸之痛止以人參  
敗毒散去桔梗加金銀花白芷太黃而潰更以仙方  
活命飲而痊一人足指患之色黑不痛令明灸三  
十餘壯而痛喜飲食如常予謂急割去之速服補劑  
彼不信果延上遂致不救一人足指患之色紫不  
痛隔蒜灸五十餘壯尚不知痛又明灸百壯始痛更  
投仙方活命飲四劑乃以托裏藥潰脫而愈一人  
足指患之色赤燃痛作渴隔蒜灸數壯以仙方活命

足部 凡病 凡病 凡病

百十五

飲三劑而潰更服托裏藥及加減八味丸潰脫而愈  
 若早用前法不至於此 一膏梁之人先作渴足熱  
 後足大指赤痛六脉洪數而無力左尺為甚余謂此  
 足三陰虛當滋化源為主固服除濕敗毒等藥元氣  
 益虛色黯延足余乃朝用補中益氣湯夕用補陰八  
 珍湯各三十餘劑及桑枝灸潰而膿清作渴不止遂  
 朝以前湯送加減八味丸夕用十全大補湯三十餘  
 劑而痊是時同患此證服敗毒之藥者俱不救  
 附方  
 五神散 搽一切瘡毒蛇傷蝎螫大効

金線鈞胡蘆

紫河車

各貳錢

續隨子

去殼

雄黃

各壹錢

麝香

少許

右末醋調塗患處蛇傷以刀割去損肉以末乾搽  
 或以唾調搽或加騎蛇獅子根葉同前搗用亦妙  
 洗瘡方

水苦薺

槐枝葉

柳枝葉

嫩柏葉

小青葉

連又大青

右煎水浸洗

○脚氣瘡

夫腎主於脚若腎虛為風濕所搏攻於脚膝則名脚

脚氣瘡

續隨子



氣因其氣血壅滯濕毒氣盛在於膚腠不得宣通故令脚上生瘡也若風毒不散其瘡漸增黃水腫痛身體壯熱經久難差也

犀角散 治脚氣風毒生瘡腫痛心神煩熱

犀角屑

天麻

羌活 去蘆

枳殼 炒 去穢

防風

黃芪 各去蘆

白蒺藜

黃芩

白鮮皮 各去蘆 錢半

檳榔 壹兩

甘州 炙半兩

烏蛇 貳兩 酒浸

右吹咀每服捌錢以水壹中盞半生薑伍片煎至壹大盞去查温服不拘時

漏蘆丸

治脚氣腫盛生瘡久不差膿血長流疼痛

漏蘆

秦艽 各去蘆

葳蕤

枳殼 去穢 炒

檳榔

川大黃 各壹兩

防風

獨活

黃芪 各去蘆

黃芩

五加皮

赤芍藥 各柒錢半

烏蛇 貳兩 酒浸

右為細末煉蜜和搗二三百下丸如梧子大每服參肆拾丸温酒送下不拘時

鹿茸丸

治脚氣腿腕生瘡

鹿茸 酥炙另

搗成泥

五味子

當歸 去蘆 二下 味為末

熟地黄

搗膏

右等分酒糊和丸梧子大每服參肆拾丸温酒或鹽湯食前下次服後方

又方

川芎

當歸

去蘆各等分

右為細末每服貳錢煎荊芥湯調下食後空心日進二服

治脚氣脚上生風毒瘡腫疼痛

漏蘆

白斂

槐白皮

五加皮

甘草

各米錢半

蒺藜子

貳兩

右為以咀每用伍兩水壹斗煮取陸升去滓看冷

熱於無風處淋洗之

檀礬散

治脚爛瘡

竹蛀屑

檀燒灰

黃丹

白礬

韶粉

紅棗

燒存性

各等分為細末摻之

龍骨散

治脚疽并久遠惡瘡他藥無効者

白龍骨

貳錢半研

輕粉

貳錢半

檳榔

壹錢研

積豬糞

不以多新瓦上焙乾入火中燒令紅取出存性研為細末伍錢

右研令勻先以口含蓋水或温鹽湯洗令瘡淨見

足部 甲症

小斗四

卷八

肉却以真麻油調藥隨瘡大小傳之未愈再傳三五日可

○甲疽 嵌甲

足三陰經皆起於足指氣血沮而不行結於指甲之間能成甲疽凡以經絡之所流注非特肌肉之病也或得於剪甲傷肌或得於甲長侵肉或得於履絢之不適使氣血沮遏而不通腐潰為疽久則爛指上引於脛膝之間而瘡疱者是已然病在四末不必治其內惟塗傅滌濯去惡而除穢及適其行履則愈矣按足指在人體最下氣血易沮藥力難到虛弱之人

小有破損即成瘡瘍久而不斂况其大者非大補氣血豈能易愈此云病在四末不必治內非通論也一婦修甲傷次指成膿不潰焮痛至手誤敷冷藥以致通潰飲食少思彼為毒氣內攻胗脉沉細此痛傷胃氣而然遂刺之服六君子加藿香當歸食進更以八珍湯加黃芪白芷桔梗月餘而愈 一人傷拇指色紫不痛服托裏藥及灸五十餘壯作痛潰膿而愈 一幼女因凍傷兩足至春發潰指俱壞令取之服大補藥而愈 一女患嵌甲傷指年餘不愈日出膿數滴予謂足大指乃脾經發源之所宜灸患處使瘀

甲疽 小指

補氣

肉去陽氣至瘡口自合否則不治彼忽之不早治後  
變勞症而歿 蓋至陰之下血氣難到女人患此多  
因紮縛致血脈不通或被風邪所襲則無血氣榮養  
遂成死肉惟當壯脾胃行經絡生血氣則愈有成破  
傷風以致牙關緊急口眼喎斜者先玉真散一二服  
後投以生血通經則可 一男子修傷足指色黑不  
痛而欲脫余曰此因陽氣虛不能運達於患處也急  
去之速服補劑以壯元氣否則死肉延足必不救矣  
不信果黑爛上脛而歿太抵手足氣血罕到之地或  
生瘡或傷損若戕其元氣邪氣愈甚潰爛延上必歿

不潰而色黯者亦死若骨斷筋皮尚連者急剪去之  
精要治甲疽因剔甲傷肌或因甲長侵肉遂成瘡腫  
痛復緣穿窄靴研損四邊腫焮黃水出浸淫相染五  
指俱爛漸漸引上脚踏泡漿四邊起如火燒瘡 日  
夜倍增醫方所不能療者用綠礬伍兩形色似朴硝  
而綠色置於鐵板上聚炭封之吹令火熾其礬即沸  
流出色赤如鎔金汁者是真也候沸定汁盡去火待  
冷取出研細色似黃丹收之先以鹽湯洗瘡帛裹乾  
用此末傅之愈

聖惠蝦蟇散

治甲疽皮厚腫痛

足部 甲疽

外科

蝦蟆灰 半兩  
黃連 研末  
膩粉 各半分

麝香 研  
雄黃 研  
枯白礬 研各半錢

杏仁 柴粒熬黑 鹿角 柴寸燒透 研如泥 細研末  
蚌蛇膽 半錢

右相和研勻以臘豬脂調如膏先以甘草蛇床槐

白皮煎湯洗瘡拭乾傅藥以油單紙裹外更着綿

帛裹之三日其剩肉剩甲皆當自落三日一換

豬蹄湯 治甲疽及諸癰疽惡瘡有息肉

豬蹄 壹隻 生者  
白斂 白芷

狼牙 芍藥 各叁兩 黃連

黃芩 大黃 獨活 各貳兩

右咬咀先以水叁斗煮豬蹄至壹斗伍升去蹄入藥更煮至伍升候温洗瘡日三次

白礬散 治男女血風毒氣攻手足指生甲疽瘡久不瘥者努肉裹甲疼痛出血不定用此縮肉乾瘡

白礬 石膽 各半兩 麝香

麒麟竭 朱紅 各壹分

右將白礬石膽於鐵器內以炭火煨過入後三味同研令細每用少許乾摻瘡上以帛子纏定日兩三度換之

白礬散 治甲疽

治甲疽

白礬 燒灰 壹兩 麝香 蘆薈

蚌蛇膽 各半 分

先以漿水洗瘡乾傳之洗瘡日三兩上以差為度

馬齒散 治甲疽

牆上馬齒莧 陰乾 壹兩

木香

丹砂 研細 各貳錢半

右除丹砂鹽外剉碎拌勻於熨斗內以皮灰火燒過取出細研即以丹砂鹽末再炒勻旋取傳瘡上日三兩度

藺茹膏 治甲疽日夜培增赤肉生甲邊裏甲者

藺茹 黃芪 各貳兩 豬脂

右咬咀苦酒浸一宿與豬脂一處微火上煎取三合絞去粗以塗瘡上日三兩度其赤肉即消散

綠礬散 危氏 治甲疽

綠礬 半兩 燒熟 蘆薈 貳錢半 麝香 壹字各 研如粉

右絹袋盛藥納所患處指袋中綿紮定差為度

蛇黃散 海上 治甲疽腫爛生脚指甲邊赤肉努出時

差時發又治嵌甲生入肉常血疼痛

雄黃 半兩 蛇蛻皮 壹分 燒

右同研如粉先以溫泔洗瘡上軟以尖刀子割去

甲角拭乾藥傳上用軟帛裹半日許藥温即易一日即除痛便止一方用漿水洗淨以橘刺破一方有黃芪無雄黃

乳香傳方 治甲疽努肉裹甲膿血疼痛不差

乳香

膽礬 各等分

右研細時時傳之 大凡此疾須是剔去甲不藥亦愈或已成瘡久不差即用此方一方一味燒灰為末傳之一方用礬燒灰傳瘡

牡蠣散 治甲疽

右用牡蠣頭煨研末每服貳錢研龍花酒調下

日三服

烏梅散 治甲疽多年不差努肉膿血疼痛

右用烏梅拾枚燒灰研為散傳瘡上日三易一方用鹽梅燒灰傳爛搗裏亦可

丹嵌甲陷甲割甲成瘡久年不瘥者用黃礬烏頭六等分為末洗淨貼之

華佗治嵌甲累効方

硃砂

乳香 並研 各壹錢

膩粉 半錢

橄欖核 燒存性 叁枚

黃丹 壹字

右為末以生麻油調先以鹽湯洗淨挹乾傳之二

散甲

小耳口

新法

次効

砂糖方 治嵌甲

右用琥珀糖是砂糖熬成小毬兒者燒存性入輕粉麝香麻油傳指甲嵌入肉者不過一兩日自爛陳仲山寺丞方云治嵌甲別生好者不病者無所損神効

乳沒散 治嵌甲

用紫馬糞三塊各青布一片包了於新瓦上炭火煨存性研細末每半兩入沒藥拾文輕粉拾文麝香少許先以蔥椒湯洗拭乾口含甘草漿水吐在

瘡上再洗拭淨傳藥濕者乾搽乾者生油調塗初貼一夜極痛不過二次即去根本昔有人患此二十五年百藥不効一傳而安

烏倍散 治嵌甲

草烏頭 半兩 白牽牛 壹兩 五倍子 肆兩  
龍骨 貳錢半 全者

右先將三物搥碎同炒五倍子令焦黑色去三物不用只取五倍子為末瘡乾用麻油調塗濕即乾貼

黃連散 治嵌甲

足部 嵌甲



黃連

軟石膏煨各等分

韶粉

黃礬

右為細末用水洗滌令淨軟帛搵乾以新汲水調塗瘡上兩日一易妙

香胭脂散

麝香散

治嵌甲侵肉不差

五倍子

燒黑

染胭脂

各等分麝香少許

右研細末

用五倍子生用亦得

雄蟬散

治嵌甲

雄黃

通明者

蟬退

各為細末

右研和勻濕者乾搽乾者用津入輕粉少許調塗

陀僧散

治割甲侵肉不瘥

白礬

飛過

蜜陀僧

各等分

右為末乾搽不定一片帛裹之亦治脚臭一方用礮砂不用陀僧搽裹之

黃芪方

治陷甲生入肉常有血疼痛

黃芪

當歸

各等分

右為末貼瘡上若有惡肉更研少許硫黃末同貼

螻水駐車丸

治嵌甲膿出痛不可忍

又方

治嵌甲用乳香研細搽之

方見雜病滯下

又方 治欲去甲者用綿逐旋摺入甲內漸添之靴起次用剪子去之

治嵌甲 以鴉嘴膽礬為末搽之

乳香散 治嵌甲痛不可忍有妨步履

紫藤香 半兩 乳香 半錢 古半兩錢 半錢

輕粉 少許 麝香當門子 少許

右為末細絹羅過每用少許先以甘草湯洗患處用舊絹挹乾然後傅藥即以燈草塞之

訶子散 治嵌甲流膿經久不差

訶子 貳枚 降真香 青黛 各壹錢 研

五倍子 半兩

右為末次入青黛一處研勻先用蔥鹽湯洗淨剪去指甲用藥乾貼縫內或用麻油調傅

膽礬散 治嵌甲

膽礬 壹兩 麝香 壹字二味 同研細

右先以蔥鹽湯洗淨患處挹乾傅藥少許

神應散 治足大指角急為甲所入肉便刺作瘡不可着靴履脚指濕爛婦人有此

右白礬燒汁盡取末着瘡中食惡肉生好肉細細

割去甲角旬日即瘥加雄黃少許同研摻之

外科四

百三六

○脚指縫爛瘡

治脚指縫爛瘡驚掌皮燒灰存性為末傳之桐油塗亦妙

○足跗發

鬼遺云陽疽起足跌及足下二十日不穴死十日可刺發赤白膿血不多其瘡上痒及赤黑者死跗亦作跌足面也其處結毒腫痛亦名足發背屬足厥陰肝陽明胃經之會多因濕熱乘虛而下注宜服活命飲加木瓜肉桂牛膝及隔蒜灸之繼以十全大補湯托裏温中湯膿稠可治膿清紫陷者死久脚背患此赤腫作痛隔蒜灸三十餘壯痛止以活命飲四

劑而潰更以托裏消毒藥而愈一人脚背患之色

黯而不腫痛煩躁大渴尺脉大而澁此精氣已絕不

治後沒趙子固母劉氏年六十左足面一瘡下連

大指上延外踝以至膈骨每歲輒數發發必兼旬累

月昏暮痒甚抓搔移時出血如泉流呻吟痛楚殆不

可忍夜分即漸已明白復然每一更藥則瘡轉大而

劇百試不驗如是二十餘年淳熙甲辰仲冬之末先

生為大府丞一夕母病大作相對悲泣無計困極就

睡夢四神僧默出一室匐有一長榻子固亦坐因而

發嘆一僧問其故子固答之以實僧云可服牛黃金

虎丹又一僧云硃砂亦可既覺頗驚異試取藥半粒強服之良久大痛舉家相泣且悔俄而下禍魂物如鐵石者數升是夕瘡但微痒不痛而無血數日成痂自此遂愈硃砂之說竟不復試先生因圖僧像如所夢者而記其事金虎丹出和劑局方本治中風痰涎壅塞所用牛黃龍腦膩粉金箔之類皆非老人所宜今乃取奇効意熱積臟腑而發於皮膚歲久根深未易洗滌故假涼劑以攻之不可以常論神僧之夢蓋孝感云

牛黃金虎丹

牛黃 研貳兩半

龍腦 生研伍兩

膩粉 研貳拾伍兩

雄黃 研飛壹百伍拾兩

白礬 枯過貳拾伍兩

金箔 捌拾片為衣

天雄 炮去皮臍研拾貳兩半

天竺黃 研貳拾伍兩

天南星 湯洗焙貳拾伍兩研末用牛膽汁和作餅陰乾無牛膽用法酒蒸柒晝夜研

為細末煉蜜搜和每壹兩半作拾丸以金箔為衣每服壹丸新汲水化下有孕婦不可服

牛膝散 治足智番背

雞屎子

詐死子

兩面龜

赤牛膝

紫金皮

山蜈蚣

凌霄根

脫殼藤

赤葛根

天布瓜根 背子蜈蚣

右水煎入酒和服

敷藥方

天蕎麥 鹿葱根 紫金皮

山布瓜 凌霄根 藜蘆子

天南星 赤葛根 雞屎子

苦薄荷 天布瓜 背子蜈蚣

右砍爛入些醋暖塗敷

又方地燈心砍爛縛之

又方半金雞舌砍爛縛之

又方 臭藤天布瓜根砍爛酒炒敷之

又方 紫鼈蘇槽酒服以香敷患處

百草膏 治脚面惡瘡如桐油浸淫延漫及治一切

惡瘡不問乾濕痛痒日近年深百藥不瘥者

右用羊糞貳叁拾粒留瓦上四畔炭火燒烟住火

筋錯干地上以盞覆存性羅成白灰研細以紗片

篩去沙土麻油調敷痒入輕粉痛入麝香少許效

○足跟疽

或問足跟生疽何如曰是名鬼齧以其狀若鬼齧故以為名屬足太陽經穴名申脉在足跟骨下此處乃

陰陽一躄發源之所由藏府積熱所致其毒深重最忌毒藥敷貼宜隔蒜灸之及服活命飲加牛膝肉桂或勝金丹烏金散紫金丹選用若紫陷麻木神昏脉亂者不治過時潰爛者有妨飲食一便不調或涉房勞怒氣迷悶者死 薛足跟乃督脉發源之所腎經所過之地若飲食失節起居失宜虧損足三陽經則成瘡矣若漫腫寒熱或體倦少食屬脾虛下陷也用補中益氣湯若晡熱作痛頭目不清屬脾虛陰火也前湯并六味丸若痰涎上升或口舌生瘡屬腎水乾涸也前湯并加減八味丸凡此皆當滋其化源若治

其外則誤矣俗云兔嚙瘡者蓋獵人被兔咬足跟久而不斂氣血瀝盡而死 大尹陳汝鄰兩腿酸軟或赤或白足跟患腫或痛或痒後痛而或如無皮忽如皴裂日晡至夜脹痛焮熱用補中益氣湯加八味丸料補其肝腎而愈 一男子足跟作痛熱渴體倦小便如淋誤用敗毒散致頭痛惡寒欲嘔不食吐痰咳嗽此足三陰虧損而藥復傷余用十全大補湯加減八味丸各五十餘劑而愈 一男子素不慎起居內熱引飲作渴體倦兩足發熱後足跟作痛或用清熱除濕之劑更加發腫又服敗毒之藥焮赤痛甚恪用

祛毒清熱潰裂番張狀如赤榴熱痛如錐內熱晡熱  
此因足三陰虧損朝用十全大補湯夕用加減八味  
丸外敷當歸膏兩月餘而愈其服消毒散搽追蝕藥虛  
不能枚舉 一男子亦患此服消毒散搽追蝕藥虛  
症疊出其形體骨立自分必死余用十全大補加山  
茱山藥兩月餘而愈 一膏粱之人兩脚發熱作渴  
左尺脉數而無力余謂此足三陰虧損防患疽不信  
反服清熱化痰之藥更加晡熱頭暈又服四物黃蘗  
知母日晡熱甚飲食漸少脚小面發疽余用補中益  
氣六味地黃丸百餘服而愈其不信患疽以致不起

者多矣 一犬脚跟生毒如豆許痛甚狀似傷寒以  
還少丹內塞散治之稍可次因納寵作痛及服攻毒  
藥致血氣弱腿膝軟痿而死蓋足跟乃二躡發源之  
處腎經所由之地瘡口不合則躡氣不能發生腎氣  
由此而泄故為終身之疾况彼瘡先得于虛復不知  
戒雖大補氣血猶恐不及安服攻毒暴悍之藥以戕  
賊乎

海藏云足跟瘡久不愈毒氣攻注用白朮一味為細  
末先以鹽漿水溫洗乾貼之百日一換可以負重涉  
險

婦

婦人足跟足指腫痛足心發熱者皆因胎產經行失於調攝虧損足三陰虛熱所致若腫痛或出膿用六味丸為主佐以八珍湯胃虛懶食佐以六君子湯寒熱內熱佐以逍遙散補熱益甚頭目不清佐以補中益氣湯痰盛作渴或口舌生瘡亦用前一藥以滋化源大凡發熱補熱內熱自汗盜汗等證皆陰虛假熱也故丹溪謂火起九泉陰虛之極也男子酒色過度者多患此證 一婦人素血虛因大勞兩足發熱補熱月經過期或用四物芩連飲食少思胸痞吐痰用一陳枳實黃連大便不實吐痰無度足跟作痛余曰

足熱補熱月經過期肝脾血虛也胸痞吐痰飲食少思脾胃氣虛也蓋胃為五臟之根本胃氣一虛諸病悉至先用補中益氣加茯苓半夏脾胃漸健乃佐以六味丸補脾腎不兩月而痊 一婦人經候不調發熱晡熱胸膈不利飲食少思服清熱寬中消導之劑前症益甚更兼肢體酸痛服除濕化痰等藥經候兩三月一至服通經降火之劑足跟足指作痛其熱如炙余以為足三陰虧損用補中益氣六味地黃兩月諸證漸退又用前湯并八珍湯兩月而康 一婦人足跟患腫兩腿酸軟或赤或白或痛或痒或如無皮

足跟腫痛

小半口

百四十一



疽 琉璃

或如皴裂日晡至夜脹痛焮熱此屬足三陰虛損用  
加減八味丸及逍遙散加熟地川芎百餘劑而愈  
一婦人勞則足跟熱痛余作陰血虛用八珍而愈痊  
後徧身瘙痒服風藥發熱抽搐肝脉洪數此肝家血  
虛火盛而生風以天竺膽星為丸用四物麥門五味  
苓連炙甘草山梔柴胡煎送而瘳 一婦人兩足發  
熱足跟作痛日晡熱甚余謂腎肝血虛用逍遙散六  
味丸五十餘劑諸證悉愈  
或問足跟之旁生疽何如曰此名琉璃疽屬足太陽  
經其色黃腫如琉璃多由行路崎嶇腠傷筋骨脉而

成寒熱併作元氣不足嘔吐昏迷者難治急服五香  
湯活命飲勝金丹烏金散選用壯實者一粒金丹或  
八陣散下之

○足心癰

鬼遺云兩脚心發徹骨者不治如脚心微皮破不至  
深發膿不多者可治 足心發毒腫痛亦名涌泉疽  
俗名病穿板又名穿窟天地屬少陰腎經虛損所致  
宜隔蒜灸之實者服活命飲送六味地黃丸有表裏  
證量為汗下虛者十全大補湯八味地黃丸大劑不  
問晨夜投之潰爛嘔逆迷悶脉微代者歿

五靈散 治病穿板亦治穿掌

雞屎子

金腦香

山蜈蚣

脫殼藤

紫金藤

右水煎入酒和服

敷穿板藥

地燈心

柝糊根

右醋蒸薰之併敷上

又方

滑菜根砍爛縛之

又方

仙人掌根水楊梅根二味砍爛縛之

浸洗藥

赤梗紅花蜈蚣煎水浸洗之

肉刺

肉刺者生於足指間形如硬抵與肉相附隱痛成刺  
出靴履急窄相摩而成

松脂膏

治肉刺

松脂

白膠香

各壹兩

黃蠟

半兩

右於火上熔成膏冷貼用物紮定

無食膏

治肉刺

無食子

叁枚

肥皂角

壹挺

右燒令烟盡細研以醃醋於砂盆內別磨皂角如  
糊和末敷之立効

外科  
百四

薰硫散 治肉刺

薰陸香

石硫黃

右等分研勻塗肉刺上以燒釵烙之効

蟾酥膏 治肉刺

蟾酥 伍片湯浸

膩粉 壹錢

右將蟾酥於盆子中以膩粉同和令勻先用針撥破頭邊然後塗藥密裹之

瘍科證治準繩卷之四



